

張籍詩集





〔唐〕張籍著

張籍詩集



中華書局



出版說明

張籍是唐代的現實主義詩人之一。他承繼了偉大的現實主義詩人杜甫的創作道路，認為文學應該反映民生疾苦，不可無病呻吟，言之無物，更不可出諸遊戲。他的創作方法，對稍後於他的現實主義大詩人白居易，起過一定的影響。在他早期所作的樂府和古體詩中，有不少篇章具有高度的思想性和藝術性，一直為當時和後代所稱道。白居易首先贊譽說：『張君何為者，業文三十春，尤工樂府詩，舉代少其倫。為詩意如何，六義互鋪陳。風雅比興外，未嘗著空文。』後來歐陽修、王安石等人對他的樂府詩，也都加以贊許。在他的詩篇中，他以現實主義的手法和人道主義的精神，比較廣泛而深刻地反映了當時的社會現實；統治者的戰爭罪惡帶給廣大人民的苦難，異族入侵下人民所遭受的蹂躪，統治階級對於勞動人民的高度剝削和殘酷奴役，勞動人民的極端貧困，以及封建社會中婦女所遭受的不幸等等。總之，他同情受苦受難的勞動人民，大聲疾呼地替他們申訴，在一定程度上表達了廣大人民的憤怒和願望。

不過在張籍的詩篇中，也有不少應和詩、近體格律詩，缺乏社會現實意義，思想性不高，甚至還有少數幾篇宣揚了『及時行樂』的消極思想。但就他的主要傾向性說來，仍不失為唐代

現實主義詩人之一。研究他的作品，對於瞭解我國古典詩歌中的現實主義傳統有一定作用。

張籍的詩篇，新唐書藝文志著錄『張籍詩集七卷』。南唐末年，張洎費了二十多年的努力，輯得四百餘篇，名『木鐸集』，編爲十二卷。到南宋末年，番陽湯中（季庸）用家藏元豐八年（公元一〇八五年）寫本爲主，兼以各本校定，編爲『張司業集』八卷，魏峻（叔高）爲刻於平江。明正德十年（一五一五）河中劉成德又編次一本。今傳明嘉、萬間刻本『唐張司業詩集』八卷，前載張洎、劉成德兩序；從其書名，分卷看來，可以知道是出於張洎、湯中一個系統的本子。

傳世的另一古本，是宋蜀刻本唐人集中的『張文昌文集』，名爲文集，所收均係詩篇，共三百十七首，分爲四卷。此本編刊時間，晚於張洎，但並不出於張本的系統。以現存的刻本論，則爲最早的本子。由於所收詩篇並不是最完備的，所以我們此次重印，仍用明嘉、萬間刻八卷本（四部叢刊卽以此本影印）作爲底本（校勘時簡稱原本）。此本共收張氏作品四百五十餘首。現在我們採用四庫本（簡稱庫）、唐詩百名家本（簡稱名家）、全唐詩本（簡稱唐）、及其注文（簡稱唐注）和尊前集（簡稱尊前），加以初步校勘；凡內容與原本有重要出入者，均

在原字句下面用六號字注明，如第一首野居，原本作『況復時節晚』，全唐詩作『況復苦時節』，我們就在原句下注明：『時節晚，唐作苦時節。』餘類推。又原本第七卷岸花、野草兩首，與第五卷所錄重複；野居一首與第一卷所錄重複；和李僕射西園一首，與第三卷所錄重複；均刪去。另據全唐詩校勘的結果，增補了贈箕山僧等十六首；據四庫本校勘的結果，又增郢州贈別王七使君等八首；均於題傍注明，藉資識別。這樣，這個集子在目前總算是比較完整的了。最後，我們並在文苑英華中，輯錄了他的『上韓昌黎書』、『上韓昌黎第二書』兩篇，附在集末，供研究者參考。



中華書局上海編輯所 一九五八年十月



張籍詩集目錄

卷之一

五言古詩

野居

西州

雜怨

三原李氏園宴集

七言古詩

寄遠曲

行路難

征婦怨

白紵歌

野老歌

目錄

寄衣曲

送遠曲

築城詞

猛虎行

別離曲

牧童詞

沙堤行呈裴相公

求仙行

古釵嘆

各東西

節婦吟

譙客詞



3 0526 6016 8

818760

永嘉行	六	遠別離	一〇
採蓮曲	六	楚官行	一〇
傷歌行	七	江南曲	一一
吳宮怨	七	烏啼引	一一
北邙行	七	促促詞	一二
關山月	七	宛轉行	一二
少年行	八	五言律詩	一三
白頭吟	八	薊北旅思	一三
將軍行	八	江南春	一三
賈客樂	九	西樓望月	一三
羈旅行	九	別鶴	一三
車遙遙	九	江陵孝女	一四
妾薄命	一〇	山中古祠	一四
朱鷺曲	一〇		



漁陽將	四
聽夜泉	四
送南遷客	四
薊北春懷	五
思遠人	五
贈同谿客	五
望行人	五
送宮人入道	六
送越客	六
贈辟穀者	六
思江南舊遊	六
夜到漁家	六
送邊使	七
不食姑	七

古苑杏花	七
送流人	七
宿臨江驛	七
送蠻客	八
襄國別友	八
送遠客	八
上國贈日南僧	八
征西將	九
寄友人	九
送防秋將	九
律僧	九
山中秋夜	九
送南客	〇
宿江店	〇

嶺外逢故人	二〇	送海客歸舊島	三三
出塞	二〇	登咸陽北寺樓	三三
寄紫閣隱者	二〇	送新羅使	三三
夜宿黑龍谿	二一	宿廣德寺寄從舅	三四
古樹	二一	宿邯鄲館寄馬磁州	三四
送徐先生歸蜀	二一	舟行寄李湖州	三四
隱者	二一	送閑師歸江南	三四
送友人歸山	二二	遊襄陽山寺	三五
雲谿西亭晚望	二二	登城寄王建	三五
哭山中友人	二二	送從弟戴玄往蘇州	三五
答僧拄杖	二三	送朱慶餘及第歸越	三五
靈都觀李道士	二三	過賈島野居	三五
送韋評事歸華陰	二三	酬韓庶子	三六
送閩僧	二三	贈姚合少府	三六

送僧遊五臺兼謁李司空	二六
送鄭秀才歸寧	二六
送李評事遊越	二六
閑居	二七
寄昭應王中丞	二七
酬孫洛陽	二七
送人任濟陰	二七
夏日閑居	二八
晚春過崔駙馬東園	二八
晚秋閑居	二八
和裴司業習靜寄所知	二八
酬韓祭酒雨中見寄	二八
和裴僕射移官言志	二九
酬白二十二舍人早春曲江見招	二九

酬裴僕射朝回寄韓吏部	二九
春日李舍人宅見兩省諸公唱和因書	二九
情卽事	二九
和李僕射秋日病中作	二九
早春病中	三〇
送嚴大夫之桂州	三〇
詠懷	三〇
使至藍谿驛寄太常王丞	三〇
留別江陵王少府	三一
贈海東僧	三一
寄漢陽故人	三一
送安西將	三一
題李山人幽居	三一
早春閑遊	三一

贈太常王建藤杖笋鞋	三	江頭	三
和周贊善聞子規	三	寄孫冲主簿公	三
送李騎曹靈州歸觀	三	贈任懶	三
寒食夜寄姚侍御	三	舊官人	三
題清徹上人院	三	春日留別	三
和裴司空卽事通簡舊僚	三	沒蕃故人	三
使回留別襄陽李司空	三	贈箕山僧	三
和吏部令狐尙書喜裴司空見招看雪	三	冬夕	三
和裴司空以詩請刑部白侍郎鸞鶴	三	奉和陝州十四翁中丞寄雷州二十二	三
同綿州胡郎中清明日對雨西亭宴	三	翁司戶之作	三
莊陵挽歌詞 三首	三	送友生遊峽中	三
和左司元郎中秋居 十首	三	寒食後	三
經王處士原居	三	寒食書事 二首	三
不食仙姑山房	三	郢州贈別王七使君	三

卷之三……………四

五言排律

和李僕射雨中寄盧嚴二給事……………四

酬李僕射晚春見寄……………四

憶盧常侍寄華山鄭隱者……………四

和令狐尚書平泉東莊近居李僕射有寄四……………四

送鄭尚書出鎮南海……………四

徐州試反舌無聲……………四

省試行不由徑……………四

新城甲仗樓……………四

贈殷山人……………四

夏日可畏……………四

罔象得玄珠……………四

和李僕射西園……………四

目錄

小院春望宮池柳色……………四

卷之四……………望

七言律詩

送裴相公赴鎮太原……………望

寄元員外……………望

贈梅處士……………望

贈王秘書……………望

謝裴司空寄馬……………望

酬秘書王丞見寄……………望

送李餘及第後歸蜀……………望

早朝寄白舍人嚴郎中……………望

書懷寄元郎中……………望

贈僧道……………望

書懷寄王秘書……………望

題韋郎中新亭	望	移居靜安坊答元八郎中	五
送揚州判官	望	送楊少尹赴鳳翔	五
喜王起侍郎放牒	哭	送韓侍御歸山	五
贈王司馬	哭	新除水曹郎答白舍人見賀	五
書懷	哭	送楊少尹赴蒲城	五
贈令狐博士	哭	哭元九少府	五
送從弟刪東歸	哭	送侯判官赴廣州從軍	五
贈王秘書	哭	答白杭州郡樓登望畫圖見寄	五
哭丘長史	哭	贈趙將軍	五
送枝江劉明府	哭	送和蕃公主	五
送從弟徹東歸	哭	寒食內宴二首	五
哭胡十八遇	哭	朝日勅賜櫻桃	五
贈賈島	五	太白老人	五
逢王建有贈	五	和裴司空酬滿城楊少尹	五

寄和州劉使君	五
贈商州王使君	五
寄令狐賓客	五
寄梅處士	五
送施肩吾東歸	五
崑崙兒	五
贈李杭州	五
送鄭尚書赴廣州	五
賀祕書王丞南郊攝將軍	五
送令狐尚書赴東都留守	五
拜豐陵	五
贈孔尚書	五
酬杭州白使君兼寄浙東元大夫	五
寄蘇州白二十二使君	五

送白賓客分司東都	五
贈閻少保	五
贈別王侍御赴任陝州司馬	五
田司空入朝	五
送浙西周判官	五
送吳鍊師歸王屋	五
送邵州林使君	五
寄王六侍御	五
送稽亭山寺僧	五
送汀州元使君	五
寄孫洛陽格	五
胡山人歸王屋因有贈	五
寄虔州韓使君	五
送從弟濛赴饒州	五

羅道士…………… 五

寄陸渾趙明府…………… 五

同蔣韋二少監贈李郎中…………… 五

贈王侍御…………… 五

送金少卿副使歸新羅…………… 五

送李司空赴鎮襄陽…………… 五

送李僕射赴鎮鳳翔…………… 五

寄白二十二舍人…………… 五

送友人盧處士遊吳越…………… 五

蘇州江岸留別樂天…………… 五

寒食看花…………… 五

留別微之…………… 五

卷之五…………… 五

五言絕句

和韋開州居山十二首…………… 五

宿雲亭…………… 五

梅溪…………… 五

茶嶺…………… 五

流杯渠…………… 五

盤石磴…………… 五

桃塢…………… 五

竹巖…………… 五

琵琶臺…………… 五

胡蘆沼…………… 五

隱月岫…………… 五

繡衣石榻…………… 五

上士泉餅…………… 五

送遠客…………… 五

寄西峯僧	空	美人宮棋	空
禪師	空	蠻州	空
惜花	空	送元宗簡	空
題暉師影堂	空	寄徐晦	空
涇州塞	空	寄白學士	空
野田	空	喜王六同宿	空
岸花	空	題玉像堂	空
別韋蘇州	空	與賈島閑遊	空
從軍行	空	哭丘長史	空
卷之六	空	哭孟寂	空
七言絕句		患眼	空
送蜀客	空	答劉兢	空
送元結	空	贈華嚴院僧	空
宿山祠	空	逢故人	空

送蕭遠弟	充	感春	七
送辛少府任樂安縣	充	贈李司議	七
贈任道人	古	別客	七
招周居士	古	登樓寄胡家兄弟	七
送許處士	古	答劉明府	七
送律師歸婺州	古	酬藤杖	七
題楊祕書新居	古	法雄寺東樓	七
送賁師	古	寄故人	七
送僧住全州	古	鄰婦哭征夫	七
尋徐道士	七	和崔駙馬聞蟬	七
答開州韋使君寄車前子	七	和裴僕射看櫻桃花	七
憶故州	七	和長安郭明府與友人縣中會飲	七
送客遊蜀	七	唐昌觀看花	七
送陸暢	七	九華觀看花	七

贈姚合	三
同韋員外開元觀尋時道士	三
同韓侍御南谿夜賞	三
使行望悟真寺	三
重陽日至峽道	三
贈王客劉郎中	三
同嚴給事聞唐昌觀玉蕊近有仙過作 二首	三
秋思	三
憶遠	三
玉仙館	三
寄府吏	三
張蕭遠雪夜同宿	三
涼州詞 三首	三

目錄

宮詞 二首	五
華清宮	五
崔駙馬養鶴	五
閑遊	五
劉兵曹贈酒	五
送梧州王使君	五
春日早朝	五
寄朱闕二山人	五
寄李渤	五
尋仙	五
同白侍郎杏園贈劉郎中	五
答鄱陽客藥名詩	五
寄宋景	五
寄王奉御	五

題渭北寺上人	七	楚妃怨	九
閑遊	六	離宮怨	九
倡女詞	六	成都曲	九
答元八遺紗帽	六	寒塘曲	九
題僧院	六	春別曲	九
送元八	六	臺城	九
吳楚歌詞	六	春詞	九
題方睦上人月臺觀	六	浪淘沙詞	九
華山廟	六	傷愚溪 二首	九
病中酬元宗簡	六	聽舊宮人穆氏唱歌	九
寺宿齋	六	楊柳枝詞 二首	九
贈施肩吾	六	宿都庭有懷	九
贈王建	六	無題	九
逢賈島	六	堤上行 二首	九

竹枝詞	五首	八二
楊柳送客		八二
送客還幽州		八二
揚州送客		八二
隋宮燕		八二
山禽		八三
秋山		八三
王真觀		八三
蠻中		八三
贈道士		八三
重平驛作		八三
宿大竺寺寄盧隱寺僧		八三
酬朱慶餘		八四
寒食憶歸		八四

寒食	八四
虎丘寺	八四
贈劉郎中	八四
綺繡宮	八四
卷之七	八五
樂府三十三首	八五
隴頭行	八五
廢宅行	八五
秋夜長	八五
塞上曲	八六
董逃行	八六
江村行	八六
湘江曲	八六
白鼉吟	八六

樵客吟	七	送遠曲	九
春江曲	全	楚妃怨	全
烏棲曲	全	春日行	全
短歌行	全	廢瑟詞	全
泗水行	全	洛陽行	全
雲童行	八	懷別	九
長塘湖	八	離婦	九
雀飛多	八	新桃	九
寄葛蒲	八	惜花	九
山頭鹿	八	古風二十七首	
憶遠曲	九	董公詩	九
春堤曲	九	學仙	九
湖南曲	九	沈千運舊居	九
春水曲	九	懷友	九

寄韓愈·····	四	雨中寄元宗簡·····	九
別段生·····	四	惜花·····	九
贈姚怱·····	四	別于鵠·····	九
傷于鵠·····	五	祭退之·····	九
獻從兄·····	五	卷之八·····	二〇
南歸·····	五	一十九首·····	二〇
臥疾·····	五	山中醺人·····	二〇
贈孟郊·····	五	岳州晚景·····	二〇
城南·····	五	水·····	二〇
夜懷·····	五	送安法師·····	二〇
奉和舍人叔直省時思琴·····	五	寄靈一上人初歸雲門寺·····	二〇
野寺後池寄友·····	五	夏日閒居·····	二〇
寄別·····	五	老將·····	二〇
病中寄白學士拾遺·····	五	秋閨·····	二〇

山中春夜……………一〇二

酬浙東元尚書見寄綾素……………一〇三

贈項斯……………一〇三

題故僧影堂……………一〇三

弱柏院僧影堂……………一〇三

賦花井序……………一〇三

句……………一〇四

聯句

會合聯句……………一〇四

春池汎舟聯句……………一〇五

宴興化池亭送白二十二東歸……………一〇五

首夏猶清和聯句……………一〇六

薔薇花聯句……………一〇六

西池落泉聯句……………一〇六

附錄一

上韓昌黎書……………一〇七

上韓昌黎第二書……………一〇八

附錄二

張司業集序……………一一〇

唐司業張籍詩集序……………一一一

唐張司業詩集跋……………一一三

張籍詩集卷一

五言古詩

野居

原本卷七末有野居一首。與此詩重複。已刪。該首題下原有小注。此一首當補在古風中城南後。

貧賤易爲適。荒郊亦亦庫作有安居。端坐無餘思。彌樂古人書。秋田多良苗。野水多遊魚。我無耒與網。安得充廩廚。寒天白日短。簷下煖我軀。四肢漸卷七刪去一首。首漸作暫。寬柔。中腸鬱不舒。多病減志氣。爲客足憂虞。況復時節晚。時節晚唐作苦時節。覽景獨卷七刪去一首。景獨作物空。踟躕。

西州

羌胡據西州。近甸無無名家作爲邊城。山東收稅租。養我防塞防塞唐注作塞下。兵。胡騎來無時。居人常震驚。嗟我五陵間。農者罷耘耕。邊頭多煞傷。士卒難全形。郡縣發丁役。丈夫各征行。生男不能養。懼身有姓名。良馬不念秣。烈士不苟營。營名家作榮。所願除國難。再逢天下平。

雜怨

唐注作離怨。

切切重切切。秋風桂枝折。人當少年嫁。我當少年別。念君非非庫作昨。征行。年年長遠途。長遠途庫作役長途。妾身甘獨歿。高堂有舅姑。山川豈遙遠。行人自不返。



三原李氏園宴集

暮春天早熱。邑居苦羈煩。言從君子樂。樂彼李氏園。園中有草堂。池引涇水泉。開戶西北望。遠見嵯峨山。借問主人翁。北州佐戎軒。僕夫守舊宅。爲客施施庫。搦搦筵施搦唐作筵。高壤高壤唐作高壤。有餘滋。滋唐作興竹樹芳且鮮。傾我所持觴。盡日共留連。疎拙不偶俗。常喜形體閑。況來幽棲地。能不重笑言。

七言古詩

寄遠曲

美人來去春江暖。江頭無人湘水滿。浣沙石上水禽棲。江南路長春日短。蘭舟桂楫常渡江。無因重寄雙瓊瑋。

行路難

湘東行人長嘆息。十年離家歸未得。弊裘羸馬苦難行。行名家作前僮僕飢寒少筋力。君不見。牀頭黃金盡。壯士無顏色。龍蟠泥中未有雲。不能生彼升天翼。

征婦怨

九月匈奴殺邊將。漢軍全沒遼水上。萬里無人收白骨。家家城下招魂葬。婦人依倚子與夫。同居

貧賤心亦舒。夫死戰場子在腹。妾身雖存如畫燭。

白紵歌

皎皎白紵白且鮮。將作春衣稱少年。裁縫長短不能定。自持刀尺向姑前。復恐蘭膏汗織指。常遣傍人收墮珥。衣裳著時寒食下。還把玉鞭鞭白馬。

野老歌

一作山農詞。

老翁^{作農}唐家貧在山住。耕種山田三四畝。苗疎稅多不得食。輸入官倉化爲土。歲暮鋤耜倚^{倚店}作傍空室。呼兒登山收橡實。西江賈客珠百斛。船中養犬長食肉。

寄衣曲

織素縫衣獨苦辛。遠因回使寄征人。官家亦自寄衣去。貴從妾手着君身。高堂姑老無侍子。不得自到邊城裏。慙慙爲看初着時。征夫身上宜不宜。

送遠曲

戲馬臺南山簇簇。山邊飲酒歌別曲。行人醉後起登車。席上回尊勸僮僕。青天漫漫覆長路。遠遊無家安得住。願君到處自題名。他日知君從此去。

築城詞

詞唐注作曲。

築城處。千人萬人抱。抱唐作齊。把把把唐注作抱。杵。重重土堅試行。行唐注作用。雖。軍吏執鞭催作遲。來時一年深磧裏。盡着短衣渴無水。力盡不得休杵。杵原作村。據唐改。聲。杵聲未定定唐作盡。人皆死。家家養男當門戶。今日作君城下土。

猛虎行

南山北山樹冥冥。猛虎白日繞林行。向晚一身當道食。山中麋鹿盡無聲。年年養子在空空唐注作深。谷。雌雄上山山唐注作下。不相逐。谷中近窟有山村。原作林。據唐改。長向村家取黃犢。五陵年少不敢射。空來林下看行迹。

別離曲

行人結束出門去。幾時更踏門前路。此句唐注作馬蹄幾時踏門路。路名家作土。憶昔君初納采時。不言身屬遼陽戍。早知今日當別離。成君家計良爲誰。男兒生身自有役。那得誤我少年時。不如逐君征戰死。誰能獨老空閨裏。

牧童詞

遠牧牛。遠村四面禾黍稠。陂中飢鳥鳥唐作鳥。啄牛背。令我不得戲塢頭。塢名家作隴。頭。入陂草多牛散行。白犢時向蘆中鳴。隔堤吹葉應同伴。還鼓長鞭三四聲。牛羣羣唐作牛。食草莫相觸。官家截爾頭上角。

沙堤行呈裴相公

公唐注作國。又云無呈裴相公四字。

長安大道沙爲堤。風吹無塵雨無泥。宮中玉漏下三刻。朱衣導騎丞相來。來庫作至。路傍高樓息歌吹。千車不行行者避。街官閭吏相傳呼。當前十里惟空衢。白麻詔下移相印。新堤未成舊堤盡。

求仙行

漢皇欲作飛仙子。年年採藥東海裏。蓬萊無路海無邊。方士舟中相枕死。招搖在天迴白日。甘泉玉樹無仙實。九皇真人終不下。空向離宮祠太乙。丹田有氣凝素華。君能保之昇絳霞。

古釵嘆

古唐注作寶。

古釵墮鹽唐注作嘆。井無顏色。百尺泥中今復得。鳳凰宛轉有古儀。欲爲首飾不稱時。女伴傳看不知主。

不知主唐注作玉窗下。羅袖拂拭生光輝。蘭膏已盡股半折。雕文刻樣無年月。雖離井底入匣中。不用還與墜時同。

各東西

唐注云。此下有言字。

遊人別。一東復一西。出門相背兩不返。惟信車輪與馬蹄。道路悠悠不知處。山高海闊誰辛苦。遠遊不定難寄書。日日空尋別時語。浮雲上天雨墮鹽百家作驟地。暫時會合終離異。我今與子非一身。安得死生不相棄。

節婦吟

唐題作節婦吟寄東平李司空師道。

君知妾有夫。贈妾雙明珠。感君纏綿意。繫在紅羅襦。妾家高樓連苑起。良人執戟明光裏。知君用心如日月。事夫誓擬同生死。還君明珠雙淚垂。何不相逢未嫁時。

讌客詞

上客不用顧金羈。主人有酒君莫違。請君看取園中花。地上漸多枝上稀。山頭樹影不見石。溪水無風映更更唐注作天碧。人人齊醉起舞時。誰覺翻衣與倒幘。明朝花盡人已去。此地獨來空繞樹。

永嘉行

黃頭鮮卑入洛陽。胡兒持持唐作執戟升明堂。晉家天子作降虜。公卿奔走如驅驅唐作牛羊。紫陌旌旂暗相觸。家家雞犬驚上屋。婦人出門隨亂兵。夫死眼前不敢哭。九州諸侯自顧自顧唐作顧皆曠。土。無人領兵來護主。北人避胡皆在南。南人至今能晉語。

採蓮曲

秋江岸邊蓮子多。採蓮女兒凭船歌。青房圓實齊戢戢。爭前競折漾微波。試牽綠莖不不名家庫均作下尋藕。斷處絲多刺傷手。白練束腰袖半卷。不插玉釵粧梳淺。船中未滿度前洲。借問阿誰家住遠。歸時共待暮潮上。自弄芙蓉還蕩槳。

傷歌行

唐注云。元和中。楊憑貶臨賀尉。

黃門詔下促收捕。京兆尹繫御史府。出門無復部曲隨。親戚相逢不容語。辭成謫慰調慰名家作責尉。南海州。受命不得須臾留。身着青衫騎惡馬。東門之外無送者。郵夫防吏急喧驅。往往驚墮馬蹄下。長安里中荒大宅。朱門已除十二戟。高堂舞榭鏤管絃。美人遙望西南天。

吳宮怨

吳宮四面秋江水。江清露白芙蓉死。吳王醉後欲更衣。座上美人嬌不起。宮中千門復萬戶。君恩反復誰能數。君心與妾既不同。徒向君前作歌舞。茱萸滿宮紅實垂。秋風嫋嫋生繁枝。姑蘇臺上夕燕罷。它人侍寢還獨歸。白日在天光在地。君今那得長相棄。

北邙行

唐注題作白邙山。名家題作北邙山。

洛陽北門北邙道。喪車轆轤入秋草。車前齊唱薤露歌。高墳新起日峨峨。朝朝暮暮人送葬。洛陽城中人更多。千金立碑高百尺。終作誰家柱下石。山唐注作壠。頭松柏半無主。地下白骨多於土。寒食家家送紙錢。鳥唐作鳥。薦作窠銜上樹。人居朝市未解愁。請君暫向北邙遊。

關山月

秋月明明唐作朗。朗關山上。山中行人馬蹄響。關山秋來雨雪多。行人見月唱邊歌。海邊茫茫茫茫庫作漠漠。

天氣白。胡兒夜度黃龍磧。軍中探騎暮出城。伏兵暗處低旌戟。沙磧連天霜草平。野駝尋水磧中鳴。隴頭風急雁不下。沙場苦戰多流星。可憐萬里關山道。年年戰骨多秋草。

少年行

少年從獵出長楊。禁中新拜羽林郎。獨到輦前射雙虎。君王手賜黃金璫。日日鬪雞都市裏。嬴原作羈。據唐本改。得寶刀重刻字。百里報讐夜出城。平明還在娼樓醉。遙聞虜到平陵下。不待詔詔唐注作勅。書行上馬。斬得名王獻桂宮。封侯起第一日中。不同六郡良家子。百戰始取邊城功。

白頭吟

請君膝上琴。彈我白頭吟。憶昔君前嬌笑語。兩情宛轉如縈素。宮中爲我起高樓。花名家作華。更開花池種芳樹。春天百草秋始衰。棄我不待白頭時。羅襦玉珥色未暗。今朝已道不相宜。揚州青銅作明鏡。暗中持照不見影。人心回互自無窮。眼前好惡那能定。君恩已去若再返。菖蒲花開開唐注作青。月長滿。

將軍行

彈箏峽東有胡塵。天子擇日拜將軍。蓬萊殿前賜六纛。還領禁兵爲部曲。當朝受詔不辭家。夜向咸陽原上宿。戰車彭彭旌旗動。三十六軍齊上隴。隴頭戰勝夜亦行。分兵處處收舊城。胡兒殺盡

陰磧暮。擾擾唯有牛羊聲。邊人親戚曾戰沒。今逐官軍收舊骨。磧西行見萬里空。幕府獨奏將軍功。

賈客樂

金陵向西賈客多。船中生長樂風波。欲發移船近江口。船頭祭神各澆酒。停杯共說遠行期。入蜀經蠻誰離唐注作遠別離。金多衆中爲上客。夜夜算繒眠獨遲。秋江初月猩猩語。孤帆夜發瀟湘渚。水上持櫂防暗灘。直過山邊及前侶。年年逐利西復東。姓名不在縣籍中。農夫稅多長辛苦。棄業寧爲販寶翁。

羈旅行

遠客出門行路難。停車斂策在門端。荒城無人霜霜唐注作雪滿路。野火燒橋不得度。寒蟲蟲唐注作兔入窟鳥歸巢。僮僕問我誰家去。行尋田頭暝未息。雙轂長轅礙荊棘。緣岡入澗投田家。主人舂米爲夜食。晨雞喔喔弗屋傍。行人起掃車上霜。舊山已別行已遠。身計未成難復返。長安陌上相識稀。遙望天門白日晚。誰能聽我辛苦行。爲向君前歌一聲。

車遙遙

征人遙遙出古城。雙輪齊動駟馬鳴。山川無處不不唐注作無歸路。念君長作萬里行。野田人稀秋草綠。

日暮放馬車中宿。驚驛游兔在我傍。獨唱鄉歌對僮僕。君家大宅鳳城隅。年年道上隨行車。願爲玉鑾繫華軾。終日有聲在君側。門前舊路路唐作轍。久已拋。拋唐作平。無由復得君消息。

妾薄命

薄命嫁得良家子。

此句原作薄命良嫁得家子。據唐注改。唐作薄命婦良家子。

無事從軍去萬里。漢家天子平四夷。護羌都尉裹屍歸。

念君此行爲死別。對君裁縫泉下衣。與君一日爲夫婦。千年萬歲亦相守。君愛龍城征戰功。妾願青樓歌樂同。人生各各有所欲。詎得將心入君腹。

朱鷺

唐注鷺下有曲字。

翩翩兮朱鷺。來汎

汎唐注名家均作浴。

春塘棲綠樹。羽毛如翦色如染。遠飛欲下雙翅斂。避人引子入深蘆。

動處水紋開澹澹。誰知豪家網爾軀。不如飲啄江海隅。

遠別離

蓮葉團團荇葉折。長江鯉魚鰭鱗赤。念君少年棄親戚。千里萬里獨爲客。誰言遠別心不易。天星墜地能爲石。幾時斷得城南陌。勿使居人有行役。

楚宮行

章華宮中九月時。桂花未落紅橘垂。江頭騎火照輦道。君王夜從雲夢歸。霓旌鳳蓋到雙闕。臺上

重重歌吹發。千門萬戶開相當。燭籠左右列成行。下輦更衣入洞房。洞房侍女盡焚香。玉階羅幃微微唐注作似。有霜。齊言此夕樂未央。玉酒湛湛盈華觴。絲竹次第鳴中堂。巴姬起舞向君王。迴身垂手結明璫。願君千年萬年壽。朝出射麋夜飲酒。

江南曲

曲唐作行。

江南人家多橘樹。吳姬舟上織白苧。土地卑濕饒蟲蛇。連木爲牌入江住。江村亥日長爲市。落帆度橋來浦裏。清莎覆城竹爲屋。無井家家飲潮水。長干午日沽春酒。高高酒旗懸江口。娼樓兩岸懸水棚。夜唱竹枝留北客。江南風土歡樂多。悠悠處處盡經過。

烏啼引

唐題作烏夜啼引。

秦烏啼啞啞。夜啼長安吏人家。吏人得罪囚在獄。傾家賣產將自贖。少婦起聽夜啼烏。知是官家有赦書。下床心喜不重寐。未明上堂賀舅姑。少婦語啼烏。汝啼慎勿虛。借汝庭樹作高巢。年年不令傷爾雛。

促促詞

促促復促促。家貧夫婦懽不足。今年爲人送租船。去年捕魚向江邊。家中姑老子復小。自執吳綃輸稅錢。家家桑麻滿地黑。念君一身空努力。願教牛蹄團團一角直。君身常常唐注作長在應不得。

宛轉行

華屋重翠幄。綺席雕象床。遠漏微更疎。薄衾中夜涼。爐氣唐注作氤。暗徘徊。寒燈背斜光。妍姿結宵
態。寢覺作辟。幽夢長。宛轉復宛轉。憶君憶君唐注作憶。憶名家作惜。更未央。

張籍詩集卷二

五言律詩

薊北旅思

日日望鄉國。空歌白苧詞。長因送人處。憶得別家時。失意還獨語。多愁祇自知。客亭門外柳。折盡向南枝。

江南春

江南楊柳春。日暖地無塵。渡口過新雨。夜來生白蘋。晴沙鳴乳燕。芳樹醉遊人。向晚青山下。誰家祭水神。

西樓望月

城西樓上月。復是是唐注作值雪晴時。寒夜共來望。思鄉獨下遲。幽光落水水名家庫均作冰。淨色遍霜枝。明日千里去。此中還別離。

別鶴

雙鶴出雲谿。分飛各自迷。空巢在松頂。折羽落江泥。尋水終不飲。逢林亦未棲。別離應易老。萬

里兩淒淒。

江陵孝女

孝女獨垂髮。少年唯一身。無家空托墓。主祭不從人。相弔有行客。起廬因因唐作無。舊鄰。江頭聞哭處。寂寂楚花春。

山中古祠

春草空祠墓。荒林唯鳥飛。記年碑石在。經亂祭人稀。野鼠緣朱朱唐注作珠帳。陰塵蓋畫衣。近來來名家作門潭水黑。時見宿龍歸。

漁陽將

塞深沙草白。都護領燕兵。放火燒奚帳。分旗築漢城。下營看嶺勢。尋雪覺人行。更向桑乾北。擒生生庫作王問磧名。

聽夜泉

細泉深處落。夜久漸聞聲。獨起出門聽。欲尋當澗行。還疑隔林遠。復畏有風生。月下長來長來庫作堪留。此。無人亦到明。

送南遷客

去去遠遷客。瘴中衰病身。青山無限路。白首不歸人。海國戰騎象。蠻州市用銀。一家分幾處。誰見日南春。

薊北春懷

渺渺水雲外。別來音音唐注作鄉信稀。因逢過江使。却寄在家衣。問路更愁遠。逢人空說歸。今朝薊城北。又見塞鴻飛。

思遠人

唐注題作寄遠客

野橋春水清。橋上送君行。去去人應老。年年草自生。出門看遠道。無信向邊城。楊柳別離處。秋蟬今復鳴。

贈同谿客

幽居得相近。煙景每寥寥。共伐臨谿樹。同爲過水橋。自教青鶴舞。分採紫芝苗。更愛南峯住。尋君路恐遙。

望行人

唐注題作秋闋

秋風窗下起。旅雁向南飛。日日出門望。家家行客歸。無因見邊使。空待寄寒衣。獨倚青樓暮。煙深鳥雀稀。

送宮人入道

舊寵昭陽裏。尋仙此最稀。名初出宮籍。身未稱霞衣。已別歌舞貴。貴庫作綴。長隨鸞鶴飛。中宮看入洞。空駕玉輪歸。

送越客

見說孤帆去。東南到會稽。春雲剡溪口。殘月鏡湖西。水鶴沙邊立。山語竹裏啼。謝家曾住處。煙洞入應迷。

贈辟穀者

學得滄霞法。逢人與小還。身輕曾試鶴。力弱未離山。無食犬猶在。不耕牛自閑。朝朝空漱水。叩齒草堂間。

思江南舊遊

江臯三月時。花發石楠枝。歸客應無數。春山自不知。獨行愁道遠。迴信畏家移。楊唐注作橋。柳東西度。茫茫欲問誰。

夜到漁家

唐注題作宿漁家。

漁家在江口。潮水入柴扉。行客欲投宿。主人猶未歸。竹深村路遠。一作暗。月出釣船稀。遙見尋沙岸。

春風動草衣。

送邊使

揚旌過隴頭。隴水向西流。塞路依山遠。戍城逢雨秋。寒沙陰漫漫。疲馬去悠悠。爲問征行將。誰封定遠侯。

不食姑

唐注題作贈山中女道士。

幾年山裏住。已作綠毛身。護氣常稀語。存思自見神。養龜同不食。留藥任生塵。要問西王母。仙中第幾人。

古苑杏花

廢苑杏花在。行人愁到時。獨開新塹底。半露舊燒枝。晚色連荒轍。低陰覆折碑。茫茫古陵下。春盡又誰知。

送流人

獨向長城北。黃雲暗塞天。流名屬邊將。舊業作公田。擁雪添軍壘。收冰當井泉。知君住應老。須記別鄉年。

宿臨江驛

唐注題作宿江上。又作宿溪中驛。

楚驛南渡口。夜深來客稀。月明見潮上。江靜覺鷗飛。旅宿今已遠。此行猶未歸。離家久無信。又聽搗寒衣。

送蠻客

借問炎州客。天南幾日行。江連惡谿路。山遶夜郎城。椰葉瘴雲濕。桂叢蠻鳥聲。知君卻迴日。記得海花名。

襄國別友

曉色荒城下。相看秋草時。獨遊無定計。不欲道來期。別處去家遠。愁中驅馬遲。歸人渡煙水。遙映遙映唐注作葉落野棠枝。

送遠客

南原相送處。秋水草還生。此句唐注作秋草水邊生。同作憶鄉客。如今分路行。因誰寄歸信。漸遠問前程。明日重陽節。無人上古城。一作秋草水邊生。

上國

上國唐作山中。

贈日南僧

獨向雙峯老。松門閉兩涯。涯唐作崖。翻經依貝葉。掛衲落藤花。甃石新開井。穿林自種茶。時逢海南客。蠻語問誰家。

征西將

黃沙北風起。半夜又翻營。戰馬雪中宿。探人冰上行。深山旗未展。陰磧鼓無聲。幾道征西將。同收碎葉城。

寄友人

憶在江南日。同遊三月時。採茶尋遠澗。鬪鴨向春池。送客沙頭宿。招僧竹裏碁。如今各千里。無計得相隨。

送防秋將

白首征西將。猶能射戟支。元戎選部曲。軍吏換旌旗。逐虜招降遠。開邊舊壘移。重收隴外地。應似漢家時。

律僧

苦行長不出。清羸最少年。持齋唯一食。講律豈曾眠。避草每移徑。瀘蟲還入泉。從來天竺法。到此幾人傳。

山中秋夜

一作春

寂寂山

一作景唐注
春山。

靜。

幽人歸去

一作臥

遲。

橫琴當月下。

壓

壓唐注
作澹。

酒及花時。

冷

一作新

露濕茆屋。

暗泉

衝竹籬。西峯採藥伴。此夕恨無期。

送南客

行路雨脩脩。青山盡海頭。天涯人去遠。嶺北水空流。夜市連銅柱。巢居屬象州。來時舊相識。誰向日南南唐注作邊遊。

宿江店

野店臨西浦。門前有橘花。停燈待賈客。賣酒與漁家。夜靜江水白。路迴山月斜。閑尋泊船處。潮落見平沙。

嶺外逢故人

過嶺萬餘里。旅遊經此稀。相逢去家遠。共說幾時歸。海上見花發。瘴中唯唯唐注作聞鳥飛。炎州望鄉伴。自識北人衣。

出塞

唐注題作塞上曲

秋塞雪初下。將軍遠出師。分營長記火。放馬不收旗。月冷邊帷濕。沙昏夜探遲。征人皆白首。誰見滅胡時。

寄紫閣隱者

紫閣氣沉沉。先生住處深。有人時得見。無路可相尋。夜唐注作野。鹿伴茅屋。秋猿守栗林。唯應採靈藥。更不別營心。

夜宿黑竈谿

夜到碧谿裏。無人秋月明。逢幽更移宿。取伴亦探行。花下紅泉色。雲西乳鶴聲。明朝記歸處。石上自書名。

古樹

古樹枝柯少。枯來復幾春。露根堪繫馬。空腹恐藏人。蠹節莓苔老。燒痕霹靂新。若當江浦上。行客祭爲神。

送徐

徐唐注作陰。

先生歸蜀

日暮遠歸處。雲間仙觀鐘。唯持青玉牒。獨立碧雞峯。陰澗一作長收唐注作新生。乳。寒潭舊養龍。幾時

因賣藥。得向海邊逢。

隱者

庫題作贈隱者。

先生已得道。市井亦容身。救病自行藥。得錢多與人。問年長不定。傳法又非真。常見鄰家一作說。時聞一作使鬼神。

送友人歸山

出山成北名家作白首。重去結茅廬。移石脩廢井。掃龕盛舊書。開田留杏庫作古樹。分洞與僧居。長在

幽峯裏。樵人見亦疎。

霄谿西亭晚望

唐注題作霄谿遠望。

霄唐注作雲。水碧悠悠。西亭柳柳唐注作古岸頭。夕陰陰唐注作光生遠岫。斜照逐迴流。此地動歸思。逢人方倦遊。

吳興耆舊盡。空見白蘋洲。

哭山中友人

天雲遙便哭。山友隔今生。遶墓招魂魄。鐫巖記姓名。犬因無主善。善庫作瘠。鶴爲見人鳴。長說能尸

解。多應別路行。

答僧拄杖

靈藤爲拄杖。白淨色如銀。得自高僧手。將扶病客身。春遊不騎馬。夜會亦呈人。持此歸山去。深宜戴角巾。

靈都觀李道士

山唐名家均作仙。觀雨來靜。遶房瓊草春。素書天上字。花洞古時人。泥竈煮靈液。掃壇朝玉真。幾迴遊閬

苑。青節亦亦名家作自隨身。

送韋評事歸華陰

韋唐注作韋

三峯西面住。

此句唐注作蓮花峯下住。

出見世人稀。老大老大唐注作白髮

誰相識。恹恹恹恹唐注作青石

又獨歸。掃掃唐注作拂窗秋菌

落。開篋夜蛾飛。若向一作訪雲中伴。還應着褐衣。

送閩僧

幾夏京城住。今朝獨遠歸。脩行四分律。護淨七條衣。谿寺黃橙熟。沙田紫芋肥。九龍潭上路。同去客應稀。

送海客歸舊島

海客唐注作海南客

海上去應遠。蠻家雲島孤。竹船來桂府。府唐注作浦山市賣魚鬚。入國自獻寶。逢人多贈珠。卻歸春洞

口。一作斬新。象祭天吳。

登咸陽北寺樓

唐注名家均題作登感化寺樓。庫頭作登咸陽寺北樓。

高秋原上寺。下馬一登臨。渭水西來直。直唐注作急秦山南去深。舊宮人不住。住唐注作見荒碣路難尋。日暮

涼風起。蕭條多遠心。

送新羅使

萬里爲朝使。離家今幾年。應知舊行路。卻上遠歸船。夜泊唐注避蛟窟。朝炊求島泉。悠悠到鄉國。還望海西天。

宿廣德寺寄從舅

古寺客堂空。開簾四面風。移床動棲鶴。停燭聚飛蟲。閑臥逐涼處。遠愁生靜中。林西微月色。思與寧家同。

宿邯鄲館寄馬磁州

唐注題作宿邯鄲寄磁州友人

孤客到空館。夜寒愁臥遲。雖沾主人酒。不似在家時。幾宿得歡笑。如今成別離。明朝行更遠。迴望隔山陂。

舟行寄李湖州

客愁

唐注作行

無次第。川路重辛勤。

藻唐注作萍

密行

唐注作移

舟澀。灣多轉櫂頻。薄遊空感惠。失計自憐貧。

賴誦

唐注有

汀洲句。時時慰遠人。

送閑師歸江南

偏住江南寺。隨緣到上京。多生脩律業。外學得詩名。詩唐注講殿偏追入。齋家別請行。青楓鄉路遠。幾日盡歸程。

遊襄陽山寺

秋色江邊路。煙霞若有期。寺貧無利施。僧老足慈悲。薜荔侵禪室。蝦蟆占浴池。閑遊殊未徧。卽是下山時。

登城寄王建

王建唐作王
祕書建

聞君鶴嶺住。西望日依依。遠客偏相憶。登城獨不歸。十年爲道侶。幾處共柴扉。今日煙霞外。人間得見稀。

送從弟戴玄往蘇州

楊柳閶門路。悠悠水岸斜。乘舟向山寺。着屐到漁家。夜月紅柑樹。秋風白藕花。江天詩景好。迴日莫令賒。

送朱慶餘及第歸越

東南歸路遠。幾日到鄉中。有寺山皆遍。無家水不通。湖聲蓮葉雨。野氣稻花風。州縣知名久。爭邀與客同。

過賈島野居

青門坊外住。行坐見南山。此地去人遠。知君終日閑。蛙聲籬落下。草色戶庭間。好是經過處。唯

愁暮獨還。

酬韓庶子

西街幽僻處。正與懶相宜。尋寺獨行遠。借書常送遲。家貧無易事。身病是閑時。寂寞誰相問。祇應君自知。

贈

贈唐注
作答

姚合少府

病來辭赤縣。案上有丹經。爲客燒茶竈。教兒掃竹亭。詩成添舊卷。酒盡臥空甁。闕下今遺逸。誰瞻隱士星。

送僧遊五臺兼謁李司空

唐注題作送顯法師往
太原兼謁李司空

遠去見雙節。因行上五臺。化樓侵曉出。雪路向春開。邊寺連烽去。胡兒聽法來。定知巡禮後。解夏始應迴。

送鄭秀才歸寧

桂檝彩爲衣。行當令節歸。夜潮迷浦遠。晝雨見人稀。野艾到時熟。江鷗泊處飛。離琴一奏罷。山雨霽餘暉。

送李評事遊越

未習風塵事。初爲吳越遊。露沾湖草濕。日照海山秋。梅市門何在。蘭亭水尙流。西陵待潮處。知汝不勝愁。

閑居

東城南陌塵。紫幰與朱輪。盡說無多事。能閑有幾人。唯教推甲子。不信守庚申。誰見衡門裏。終朝自在貧。貧名家作身。

寄昭應王中丞

借得西街宅。開門渭水頭。長貧唯要健。漸老不禁愁。獨凭藤書案。空懸竹酒鉤。鉤唐注作鉤。春風石甕寺。作意共君遊。

酬孫洛陽

唐注陽下有草字。

家貧相遠住。齋館齊館名家作學館。入時稀。獨坐看書卷。閑行着褐衣。早蟬庭笋老。新雨徑莎肥。各離爭名地。無人見是非。

送人任濟陰

唐注題作送人往濟南。

黃綬在陰陰唐庫名家均作騰。下。知君非旅行。將書報舊里。留褐與諸生。贈別盡沽酒。惜歡多出城。春風濟水上。候吏聽車聲。

晚春過崔駙馬東園

閑園多好風。不意在街東。早早詩名遠。長長酒性同。竹香新雨後。鶯語落花中。莫遣經過少。年光漸覺空。

夏日閑居

多病逢迎少。閑居又一年。藥看辰日合。茶過卯時煎。草長晴來地。蟲飛晚後天。此時幽步遠。不覺到山邊。

晚秋閑居

獨坐高秋晚。蕭條是是唐作足遠思。家貧長畏客。身老轉憐兒。萬種盡閑事。一生能幾時。從來疎懶性。應祇有僧知。

和陸司業習靜寄所知

原本目錄作和裴司業習靜寄所知。唐題作和陸司業習靜寄所知。

幽室獨焚香。清晨下未央。山開登竹閣。僧到出茶堂。收拾新琴譜。尋封舊藥方。逍遙無別事。不似在班行。

酬韓祭酒雨中見寄

雨中愁不出。陰黑盡盡名家作盡連宵。屋濕唯添漏。泥深未放朝。無葛憐馬瘦。少食信兒嬌。聞道韓夫

子。還同此寂寥。

和裴僕射移官言志

唐注題作和裴僕射寄韓侍郎。

身在勤勞地。常思放曠時。功成唐注作高。歸聖主。位重委羣司。看壘臺邊石。閑閑唐注作行。吟篋裏詩。蒼生正瞻望。難與故山期。

酬白二十二舍人早春曲江見

見唐注作相。

招

曲江冰欲盡。風日已怡和。柳色看猶淺。泉聲覺漸多。紫蒲生濕岸。青鴨戲新波。仙掖高情客。相招共一過。

酬

酬唐作和。

裴僕射朝回寄韓吏部

獨愛南關關名家作園。裏。山晴竹杪風。從容朝早退。蕭灑客常通。案曲新亭上。移花遠寺中。唯應有吏部。詩酒每相同。

春日李舍人宅見兩省諸公唱和因書情卽事

又見帝城裏。東風天氣和。官閑人事少。年長道情多。紫掖發章句。青闈更詠歌。誰知余余庫作常。寂寞。幽寂處。終日斷經過。

和李僕射秋日病中作

由來病根淺。易見藥功成。曉日杵臼靜。涼風衣服輕。猶疑少氣力。漸覺有心情。獨倚紅藤杖。時時增上行。

早春病中

羸病及年初。心情不自如。多申請假牒。祇送賀官書。幽徑獨行步。白頭長懶梳。更憐晴日色。漸漸暖貧居。

送嚴大夫之桂州

旌旆過湘潭。幽奇得徧探。莎城百越北。行路九疑南。有地多生桂。無時不養蠶。聽歌難辨曲。風俗自相諳。

詠懷

老去多悲事。非唯見二毛。眼昏書字大。耳重語聲高。望月偏增思。尋山覺覺唐作易發勞。都無作官意。賴得在閑曹。

使至藍谿驛寄太常王丞

獨上七盤去。峯巒轉轉稠。雲中迷象鼻。雨裏下箏頭。水沒荒橋路。鴉啼古驛樓。君今在城闕。肯見此中愁。

留別江陵王少府

府唐注
作尹

迢迢山上路。病客獨行遲。況此分襟日。襟日唐作手處。當君失意時。寒林露遠驛。晚燒獵荒陂。別後空迴首。相逢未有期。

贈海東僧

別家行萬里。自說過扶餘。學得中州語。能爲外國書。與醫收海藻。持呪取龍魚。更問同來伴。天台幾處居。

寄漢陽故人

知君漢陽住。煙樹遠重重。歸使雨中發。寄書燈下封。同時買江塢。今日別雲松。欲問新移處。青蘿最北峯。

送安西將

萬里海西路。茫茫邊草秋。計程沙塞口。望伴驛峯頭。雪暗非時宿。沙深獨去愁。塞鄉人易老。莫住近番州。

題李山人幽居

襄陽南郭外。茅屋一書生。無事焚香坐。有時尋竹行。畫苔藤杖細。踏石笋鞋輕。應笑風塵客。區

區逐世名。

早春閑遊

年長身多病。獨宜作冷官。從來閑坐慣。漸覺出門難。樹影新猶薄。池光晚尙寒。遙聞有花發。騎馬暫行看。

贈太常王建藤杖笋鞋

蠻藤剪爲杖。楚笋結成鞋。稱與詩人用。堪隨禮寺齋。尋花入幽徑。步日日庫作月下寒堦。以此持相贈。君應愜素懷。

和周贊善聞子規

秦城啼楚鳥。遠思更紛紛。況是街西夜。偏當雨裏聞。應投最高樹。似隔數重雲。此處誰能聽。遙知獨有君。

送李騎曹靈州歸覲

翩翩出上京。幾日到邊城。漸覺風沙起。還將弓箭行。席箕侵路暗。野馬見人驚。軍府知歸慶。應教數騎迎。

寒食夜寄姚侍御

御唐作耶。

貧官多寂寞。不異野人居。作酒和山藥。教兒寫道書。五湖歸去遠。百事病來疎。況唐注作沉。憶同懷者。寒庭月上初。

題清徹上人院

古寺臨壇久。松間別起堂。看添浴佛水。自合讀經香。愛養無家客。多傳得効方。遇唐庫均作過。齋長不出。坐臥一繩床。

和裴司空卽事通簡舊僚

肅肅上台坐。四方皆仰風。當朝奉明政。早日立元功。獨對赤墀下。密宣黃閣中。猶聞動高韻。思與舊僚同。

使回留別襄陽李司空

江亭寒日晚。絃筦有離聲。從此一筵別。獨爲千里行。遲遲戀恩德。役役恨恨名家庫均作限。公程。迴首吟新句。霜雲滿楚城。

和戶部令狐尙書裴司空見招看雪

南園新覆雪。上宰曉來看。誰共登春榭。唯聞有地官。色連山遠靜。氣與竹偏寒。高韻更相應。寧同歌吹歡。

和裴司空以詩請刑部白侍郎雙鶴

皎皎仙山唐作山家鶴。

遠留閑宅中。徘徊幽樹樹原作謝。據唐改。

月。嘹唳小亭風。丞相西園好。池塘夜夜唐作野。水

通。從君求置此。此句與唐注同。唐庫均作欲將來放此。賞望與賓同。

同綿綿唐庫均作錦。

州胡郎中清明日對雨西亭宴

郡內開新火。高齋雨氣清。惜花邀客賞。勸酒促歌聲。共醉移芳席。留歡閉暮城。政閑方宴語。琴筑任遙情。

莊陵挽歌詞 三首

白日已昭昭。干戈亦漸消。

消名家作銷。

迎師新新唐作親。

出出名家作問。

道。從諫早臨朝。佞倖威權薄。忠良寵錫饒。

丘陵今一變。無復白雲謠。

二

觀風欲巡洛。習戰且開池。始改三年政。旋聞

聞原作開。唐名家改。

七月期。陵分內外使。官具吉凶儀。渭北

新園路。蕭蕭唐名家均作簫。笳遠更悲。

三

曉日龍車動。秋風闔闔開。行帷六宮出。執紼

紼唐庫均作縛。

萬方來。慘慘郊原暮。遲遲挽唱哀。空山煙雨

夕。新柏遶陵臺。

和左司元郎中秋居 十首

選得閑坊佳。秋來樹木肥。風前卷筒簾。筒庫作簾。雨裏脫荷衣。野客留方去。山童取藥歸。非因入朝省。過此出門稀。

二

有地唯栽竹。無池亦養鵝。學書求墨跡。釀酒愛朝朝名家作乾和。古鏡銘文淺。神方謎語多。居貧閑自樂。豪客莫相過。

三

閑來松菊地。未省有埃塵。直去多將藥。藥名家作藥朝回不訪人。見僧收酒器。迎客換紗巾。更恐登清要。難成自在身。

四

自知清靜好。不要問時豪。就石安琴枕。穿松厭厭唐名家均作壓酒槽。山情因月甚。詩語入秋高。身外無餘事。唯應筆硯勞。

五

閑堂新掃洒。稱是早秋天。書客多呈帖。琴僧與合絃。莎臺乘晚上。竹院就涼眠。終日無忙事。還應似得仙。

六

醉倚班藤杖。閑眠瘦木牀。案頭行氣訣。爐裏降真香。尙儉經營少。居閑意思長。秋茶莫夜飲。新
自作松漿。

七

每憶舊山居。新教上墨圖。晚花迴地種。好酒問人沽。夜後開朝簿。申前發省符。爲郎凡幾歲。已
見白髭鬚。

八

菊地纔通屐。茶房不壘階。憑醫看蜀藥。寄信覓吳鞋。盡得仙家法。多隨道客齋。本無榮辱意。不
是學安排。

九

林下無拘束。閑吟放性靈。好時閑藥竈。高處置琴亭。更撰
撰原作撰。據唐名家改。庫作選。居山記。唯尋相鶴經。初
當授衣假。無吏挽門鈴。

十

客散高齋晚。東園景象偏。晴明猶有蝶。涼冷漸無蟬。藤折霜來子。蝸行雨後涎。新詩纔上卷。已得滿城傳。

經王處士原居

舊宅誰相近。唯僧近竹關。閑唐注
作寒。庭閑雲滿井。窗曉雪通山。來客半留宿。借書多寄還。明時未中

歲。莫便一生閑。

不食仙姑山房

寂寂花枝裏。草堂唯素琴。因山曾改眼。見客不言心。月出溪路靜。鶴鳴雲樹深。丹砂如可學。便欲住幽林。

江頭

晚步隨江遠。來帆過眼頻。試尋新住客。少見故鄉人。回首憐歸翼。長吟任此身。應同南浦雁。更見嶺頭春。

寄孫冲主簿公

唐庫題均
無公字。

低折滄洲簿。無書整兩春。烏從同事借。妻怕罷官貧。道僻收閑藥。詩高笑古人。仍聞長吏奏。表

乞鎖廳頻。

贈任懶

未肯求科第。深坊且隱居。勝遊尋野客。高臥看兵書。點藥醫閑馬。分泉灌遠蔬。漢庭無得意。誰擬薦相如。

舊宮人

歌舞梁州女。歸時白髮生。全家沒蕃地。無處問鄉程。宮錦不傳樣。御香空記名。一身難自說。愁逐路人行。

春日留別

唐注題作惜別

遊人欲別離。醉復對花枝。看卻春人人唐作又。庫作將。晚。莫輕少年時。臨行記分處。回首是相思。各向天涯去。重來未有有唐作期。可。

沒蕃故人

前年伐月支。城上上唐注作下。沒全師。蕃漢斷消息。死生長別離。無人收廢帳。歸馬識殘旗。欲祭疑君在。天涯哭此時。

贈箕山僧

以下七首據全唐詩補。

久住空林下。長齋耳目清。蒲團借客坐。石磴斲人行。似鶴難知性。因山強號名。時聞衣袖裏。聞招念珠聲。庫本亦錄此詩。

冬夕

寒蛩獨一作罷織。湘雁猶一作能鳴。月色當窗入。鄉心半夜生。不成高枕夢。復作遶堦行。迴首嗟淹一作泊。城頭北斗橫。庫本亦錄此詩。

奉和陝州十四翁中丞寄雷州二十二翁司戶之作

聯飛獨不前。迴落海南天。賈傳竟行矣。邵公惟泫然。瘴開山更遠。路極水無邊。沈劣本多感。況聞原上篇。

送友生遊峽中

風靜楊柳垂。看花又別離。幾年同在此。今日各驅馳。峽裏聞猿叫。山頭見月時。殷勤一盃酒。珍重歲寒姿。

寒食後

一作王建詩。

田舍清明日。家家出火遲。白衫眠古巷。紅索搭高枝。紗帶生難結。銅釵重易垂。斬新衣著盡。還似去年時。

寒食書事 二首

今朝一百五。出戶雨初晴。舞愛雙飛蝶。歌聞數里鶯。江深青草岸。花滿白雲城。爲政多孱懦。應無酷吏名。

出城煙火少。況復是今朝。閑坐將誰語。臨觴只自謠。堦前春蘚徧。衣上落花飄。妓樂州人戲。使君心寂寥。

郢州贈別王七使君

此首據庫本補。

昔是詞狂客。今爲酒病夫。強吟翻悵惘。從醉不歡娛。鬚髮已全白。交親一半無。郢城君莫厭。猶較近京都。

張籍詩集卷三

五言排律

和李僕射雨中寄盧嚴二給事

郊原飛雨至。城闕濕雲埋。迸點時穿牖。浮漚欲上階。偏滋解籜竹。併灑落花槐。晚潤生琴匣。新涼滿藥齋。從容朝務退。放曠掖曹乖。盡日無來客。閑吟感所懷。

酬李僕射晚春見寄

戟戶動初晨。鶯聲雨後頻。虛庭清氣在。衆藥濕光新。魚動芳池面。苔侵老竹身。教鋪苔酒處。自問探花人。獨此長多病。幽居欲過春。今朝聽高韻。忽覺離埃塵。

憶憶唐作和

盧常侍寄華山鄭隱者

獨住三峯下。年深學煉丹。一間松葉屋。數片石花冠。酒待山中飲。琴將洞裏彈。開門移遠竹。剪草出幽蘭。荒壁通泉架。晴崖曬藥壇。寄知騎省客。長向白雲看。

和令狐尚書平泉東

東唐注作西

莊近居

居唐注作屬

李僕射有

有唐注作因

寄寄唐作有寄十韻

平地有清泉。伊南古寺邊。漲池閑遶屋。出野徧澆田。舊隱離多日。新鄰得幾年。探幽皆一絕。選

勝又雙全。門靜山光別。園深竹影連。斜分採藥徑。直過釣魚船。雞犬還應識。雲霞頓覺鮮。追思思唐注應不遠。賞愛諒難偏。此處堪長往。遊人早共傳。各當恩寄重。歸臥恐無緣。作尋。

送鄭尙書出鎮南海

遠鎮承新命。王程不假催。班行爭路送。恩賜併時來。牙旆從城展。兵符到府開。蠻聲喧夜市。海色浸潮臺。浸潮唐注一作潤朝。潮臺一作南臺。畫角天邊月。寒關嶺上梅。共知公望重。多是隔年迴。

徐州試反舌無聲

夏木多好鳥。偏知反舌名。林幽還共宿。時過卽無聲。竹外天空曉。谿頭雨自晴。居人宜寂寞。深院益淒清。入霧暗相失。當風閑易驚。來年上林苑。知爾最先鳴。

省試行不由徑

田裏有微徑。賢人不復行。孰知求捷步。又恐異端生。從易衆所欲。安邪邪唐注作難患亦生。生唐注作平誰能達大道。共此竟前程。子羽有遺跡。孔門傳舊聲。今逢大君子。士節自光明。

新城甲仗樓

謝守起新樓。西臨城角頭。圖功百仗麗。藏器五兵脩。結構榱桷固。虛明戶檻幽。魚龍卷旗幟。霜雪積戈矛。暑雨焞蒸隔。涼風宴位留。地高形出沒。山靜氣清優。睥睨斜光徹。欄干宿靄浮。芊芊

秔稻色。脈脈苑谿流。郡化王王唐庫均作黃丞相。詩成成名家作情沈隱侯。居茲良得意。殊勝峴山遊。

贈殷山人

鬱鬱山中客。知名四十年。恓惶身獨隱。寂寞性應便。世業公侯籍。生涯黍稷田。藤懸讀書帳。竹繫網魚船。已種千頭橘。新開數脈泉。閑遊攜酒遠。幽語向僧偏。入洞題松過。看花選石眠。避喧長汨沒。逢勝卽留連。自古多高跡。如君少比肩。耕耘既辛苦。章句已流傳。昔日交遊盛。當時省閣賢。同袍還共弊。連轡每推先。講序居重席。羣儒願執鞭。滿堂虛左待。衆目望喬遷。才異時難用。情高道自全。畏人顏慘澹。疎物勢迢迢。達者聞知命。吾生復禮玄。復禮玄名家作貴又玄深藏報恩劍。久緝養生篇。憔悴衆夫笑。經過郡守憐。夕陽悲病鶴。霜氣動飢鷗。處士誰能薦。窮途世所捐。伯鸞甘寄食。元淑苦無錢。策蹇秋塵裏。吟詩黃葉前。故裘餘白領。廢瑟斷朱絃。志氣終猶在。逍遙任自然。家貧念婚嫁。身老戀雲煙。放逸棲巖鹿。清虛飲露蟬。鄉逃秦谷口。嚴愛越溪邊。霄漢予猶阻。榮枯子不牽。山城一相遇。一相遇名家作曾一過感激意難宣。

夏日可畏

唐注作丘爲詩

赫赫溫風扇。炎炎夏日徂。火威馳迴野。畏景鑠遙途。勢矯翔陽翰。功分造化爐。禁城千品獨。黃道一輪孤。落照頻空簾。餘暉卷夕梧。如何倦遊子。中路獨踟蹰。

罔象得玄珠

赤水今何處。遺珠已渺然。離婁徒肆目。罔象乃通玄。皎潔因成性。圓明不在泉。暗中看夜色。塵外照晴天。

田庫作天。

無脛真難掬。懷疑實難。實唐作實。易遷。今朝搜擇得。應免免唐注作自。媚晴川。

和李僕射西園

原本卷七有和李僕射西園一詩。與此首重復。已刪去。該詩題下原有小注。見木鐸集。乃司業詩之別名。

遇午歸閑處。西庭敞四簷。高眠著瑟枕。散帙檢書籥。籥刪去一首作鐃。印在休通客。山晴好捲簾。竹涼蠅到少。到少唐作少到。藤暗蝶爭潛。曉一作晚。鵲頻驚喜。疎蟬不許拈。石苔生紫點。欄藥吐紅尖。虛坐詩情遠。

幽探道侶兼。所營尙尙刪去一首作當。勝地。雖儉復誰嫌。

小院春望宮池柳色

此首據庫本補。

小苑春初至。皇衢日更清。遙瞻萬條柳。迴出九重城。隱映龍池潤。參差鳳闕明。影宜宮雪曙。色帶禁煙晴。深淺殘陽變。高低曉吹輕。年光正堪折。欲寄一枝榮。

張籍詩集卷四

七言律詩

送裴相公赴鎮太原

盛德雄名遠近知。功高先乞守藩維。銜恩暫遣分龍節。署勅還同在鳳池。天子親臨樓上送。朝官齊出道邊辭。明年塞北清蕃落。應建生祠請立碑。

寄元員外

外郎直罷無餘事。掃洒書堂試藥爐。門巷不教當要鬧。要鬧唐注作鬧市。詩篇轉覺足功夫。月明臺上唯僧到。夜靜坊中有酒沽。朝省入頻閑日少。可能同伴伴唐作舊遊無。

贈梅處士

早聞聲價滿京城。頭白江湖放曠情。講易自傳新注義。題詩不着舊官名。近移馬跡山前住。多向牛頭寺裏行。天子如今議封禪。應將束帛請先生。

贈王祕書

不曾浪出謁公侯。唯向花間水畔遊。每着新衣看藥竈。多收古器在書樓。有官祇作山人老。平地

能開洞穴穴庫作府幽。自領閑司了無事。得來君處喜相留。

謝裴司空寄馬

唐注題作蒙裴相公賜馬謹以詩謝

驄耳新駒駿得駿得唐注作已有名。

司空遠自寄書生。乍離華廐移蹄澀。初到貧家舉眼驚。每被閑人來借

問。多尋古寺獨騎行。長思歲旦沙堤上。得從鳴珂傍火城。

酬祕書王丞見寄

唐注作酬王祕書閑居見寄

相看頭白來城闕。却憶漳谿舊往還。今體詩中偏出格。常參官裏每同班。街西借宅多臨水。馬上逢人亦說山。芸閣水曹雖最冷。與君長喜得身閑。

送李餘及第後歸蜀

十年人好誦

好誦唐作誦好

詩章。今日成名出舉場。歸去唯將新誥牒。後來爭取舊衣裳。山橋曉上蕉花

暗。水店晴看芋草黃。鄉里親情相見日。一時攜酒賀高堂。

早朝寄白舍人嚴郎中

鼓聲初動未聞雞。羸馬街中踏凍泥。燭暗有時衝石柱。雪深無處認沙堤。常參班裏人猶少。待漏房前月欲西。鳳閣閣庫作闕星郎郎庫作郎官離離唐注作離去遠。閣門開處處唐作日入還齊。

書懷寄元郎中

轉覺人間無氣味。常因身外省因緣。經過獨愛遊山客。計校唯求買藥錢。重作學官閑盡日。一離江塢病多年。吟君釣客詞中語。便欲南歸榜小船。

贈僧道

一作贈道士宜師。唐注題作贈廣宣師。

自到王城得幾年。巴童蜀馬共隨緣。兩朝侍從當時貴。五字聲名遠處傳。因唐作舊。住紅樓通內院。新承墨詔賜齋錢。閑房房唐注作坊。暫喜居相近。還得陪師坐竹邊。

書懷寄王祕書

白髮如今欲滿頭。從來來唐注作前。百事事唐注作計。盡應休。祇祇唐注作惟。於觸目須防病。不擬將心更養愁。下藥遠求新熟酒。看山多上最高樓。賴君同在京城住。每到花前免獨遊。

題韋郎中新亭

起得幽亭景最新。碧莎地地名家作池。上更無塵。琴書着盡猶嫌少。松竹栽多亦稱貧。藥酒欲開期好客。朝衣暫脫見閑身。成名同日官連署。此處經過有幾人。

送揚州判官

唐注題作贈茅山楊判官。

應名家作舊。得煙霞出俗心。茆山道士共追尋。閑憐鶴貌偏能畫。暗辨桐聲自作琴。長嘯每來松下坐。新詩堪向雪中吟。征南幕裏多賓客。君獨相知最校深。

喜王起侍郎放牒

牒名家唐注均作榜。

東風節氣節氣唐注作時節。近清明。車馬爭來滿禁城。二十八人初上牒。百千萬里盡傳名。誰家不借花園看。在處多將酒器行。共賀春司能鑒識。今年定合有公卿。

贈王司馬

白笏朱衫年少時。久登班列會朝儀。貯財不省關身用。行義唯愁被衆知。藏得寶刀求主帶。調成駿馬乞人騎。未曾相識多聞說。遙望長如玉樹玉樹唐作白玉。枝。

書懷

康頤作書懷寄顧八處士。

自小習習唐作信。成疎懶性。人間事事總無功。別從仙客求方法。時到僧家問苦空。老大登朝如夢裏。貧窮作活似村中。未能即便休官去。慚愧南山採藥翁。

贈令狐

令狐唐注作令狐巨源。

博士

頭白新年六十餘。近聞生計轉空虛。久爲博士誰人識。自到長安賃舍居。騎馬出隨遊寺客。呼兒散寫乞錢書。古來賢哲皆如此。應是才高與衆疎。

送從弟刪

刪唐注作彤。

東歸

雲水東南兩月程。貪歸慶節馬蹄輕。春橋欲醉攀花別。野路閑吟觸雨行。詩價已高猶失意。禮司

曾賞會成名。舊山風月知應好。莫過過唐作向秋時不到京。

贈王祕書

早在山東聲價遠。曾將奇策佐嫖姚。賦來詩句無閑語。老去官班未在朝。身屈祇聞詞客說。家家唐注作居貧多見野僧招。獨從書閣歸時晚。春水渠邊看柳條。

哭丘長史

曾見先皇殿上臣。丹砂久服服唐注作別不成真。常騎馬在嘶空櫪。自作書留別故人。詩句徧傳天下口。朝衣徧送地中身。最悲昨日同遊處。看却春風樹樹新。一作東風處處春。

送枝江劉明府

老着青衫爲楚宰。平生志業有誰知。家僮從去愁行遠。縣吏迎來怪到遲。定訪玉泉幽院宿。應過碧澗早茶時。向南漸漸雲山好。一路唯唯唐注作遙聞唱竹枝。

送從弟徹東歸

縱山領印知公奏。才稱同時盡不如。奉使賀成登冊禮。陪班看出降恩書。回程去在回程去在唐作去迴在路秋塵裏。受詔辭歸曉漏初。早晚得爲朝署拜。閑坊買宅作鄰居。

哭胡十八遇

早得聲名年尙少。尋常志氣出風塵。文場繼續成三代。家族唐注輝華在一身。幼子見生才滿月。選書知寫未呈人。送君帳下衣裳白。數尺墳頭柏樹新。

贈賈島

籬落荒涼僮僕飢。樂遊原上住多時。蹇驢放飽騎將出。秋卷裝成寄與誰。拄杖傍田尋野菜。封書乞米趁時時唐注炊。作朝姓名未上登科記。身屈惟應內史知。

逢王建有贈

年狀皆齊初有髭。鵲山漳水每追隨。使君座下朝聽易。處士庭中夜會詩。新作句成相借問。閑求義盡共尋思。經今三十餘年事。却說還同昨日時。

移居靜安坊答元八郎中

名家題作移居靖安坊
答元八郎中見寄

長安寺裏多時住。雖名家作唯守卑官不厭貧。作活每常嫌費力。移居祇是貴容身。初開井淺偏宜樹。漸覺街閑省踏塵。更喜往還相去近。門前減卻送書人。

送楊少尹赴鳳翔

詩名往往名家作早日動長安。首首人家卷裏看。西學已行秦博士。南宮新拜漢郎官。得錢祇了還書鋪。借宅常時時庫作思。事藥欄。今去岐州生計薄。移居偏近隴頭寒。

送韓侍御歸山

聞君久臥在臥在名家作欲臥雲間。爲佐嫖姚未得還。新結茆廬招隱逸。獨騎驄馬入深山。九靈洞口行應到。五粒松枝醉亦攀。明日河河名家庫均作珂聲出城去。家僮不復掃柴關。

新除水曹郎答白舍人見賀

年過五十到南宮。章句無名荷荷名家作賀至公。黃紙開呈相府後。朱衣引入謝班中。諸曹縱許爲仙侶。羣吏多嫌是老翁。最幸紫薇郎見愛。獨稱官與古人同。

送楊少尹赴蒲城

官爲本府當身榮。因得還鄉任野情。自廢田園今作主。每逢耆老不呼名。舊遊寺裏僧應識。新別橋邊樹已成。公事況況唐注作多閑詩更好。將隨隨唐注作難相逐逐唐注作送上山行。

哭元九少府

府唐注作尹

平生志業獨相知。早結雲山老去期。初作學官常共共唐注作對宿。晚登朝列暫同時。閑來各數經過地。醉後齊吟唱和詩。今日春風花滿宅。宅唐注作院入門行哭見靈帷。

送侯判官赴廣州從軍

軍唐注作事

年少才高求自展。將身萬里赴軍門。辟書遠到開呈客。公服新成着謝恩。驛舫過江分白堠。堠原作候。據

唐本改。戍亭亭唐注作樓當嶺見紅旛。海花蠻草連冬有。行處無家不滿園。

答白杭州郡樓登望畫圖見寄

畫得江城登望處。寄來今日到長安。乍驚物色從詩出。更想工人下手手名家作筆難。將展書堂偏覺好。每來朝客盡求看。見君向此閑吟意。肯恨當時時名家作初作外官。

贈趙將軍

事庫作軍。

當年膽略已縱橫。每見妖星氣不平。身貴早登龍尾道。功高自破鹿頭城。尋常得對論邊事。委曲承恩掌內兵。會取安西將報國。凌煙閣上大書名。

送和蕃公主

塞上如今無戰塵。漢家公主出和親。邑司猶屬宗卿寺。冊號還同虜帳人。九姓旗旛先引路。一生衣服盡隨身。毘城南望無迴日。空見沙蓬水柳春。

寒食內宴

二首

朝光瑞氣滿宮樓。綵繡魚龍四面稠。廊下御廚分冷食。殿前香香名家作飛騎逐飛飛名家作香毬。千官盡醉猶敎坐。百戲皆呈未放休。共喜拜恩侵夜出。金吾不敢問行行唐注作來由。

城闕沈沈向曉寒。恩當令節賜餘歡。瑞煙深深唐注作入處開三殿。香雨微時引百官。寶樹樓前分繡

繡唐注幙。綵花廊下映華。華唐注欄。宮筵戲樂年年別。已得三迴對御看。

朝日勅賜櫻桃

唐題作朝日勅賜百官櫻桃。

仙果人間都未有。今朝忽見下天門。捧盤小吏初宣勅。當殿羣臣共拜恩。日色遙分廊下座。露香才出禁中園。每年重此長先熟。願得千春奉至尊。

太白

白唐注作山。

老人

日觀東峯。峯唐注作南。又作邊。幽客住。竹巾藤帶亦逢迎。暗脩黃錄無人見。深種胡麻共犬行。洞裏仙家常獨往。壺中靈藥自爲名。春泉四面遶茅屋。日日唯聞杵臼聲。

和裴司空酬滿

滿唐注作蒲。

城楊少尹

聖朝偏重大司空。人詠元和第一功。擁節高臨襄。襄唐作漢。水上。題詩遠入漢城中。共驚向老多年別。更憶登科舊日同。誰不望歸丞相府。江邊楊柳又秋風。

寄和州劉使君

別離已久猶爲郡。閑向春風倒酒罇。送客將。將唐作特。唐注作將。又作時。過沙口堰。看花多上水心亭。曉來江氣連城白。雨後山光滿郭青。到此詩情應更遠。醉中高詠有誰聽。

贈商州王使君

銜命南來會郡堂。卻思朝裏接班行。才雄猶是山城守。道薄初爲水部郎。選勝相留開客館。尋幽更引到僧房。明朝從此辭君去。獨出商關路漸長。

寄令狐賓客

勳名盡得國家家唐注作東傳。退押琴僧與酒仙。還帶郡符經幾處。暫辭台座已三年。留司未到龍樓下。拜表長懷玉案前。秋日出城伊水好。領誰相逐上閑船。

寄梅處士

擾擾人間是與非。是與非唐注作足是非官閑自覺省心機。六行班裏身常下。九列符中事亦稀。市客慣曾賒賤藥。家童驚見着新衣。君今獨得居山樂。應笑多時未辦歸。

送施肩吾東歸

知君本是煙霞客。被薦因來城闕間。世業偏臨七里瀨。仙遊多在四明山。早聞詩句傳人徧。新得科名到處閑。惆悵灞亭相送去。雲中琪樹不同攀。

崑崙兒

崑崙家住海中州。蠻客將來漢地遊。言語解教秦吉了。波濤初過過名家作辨鬱林洲。金環欲落曾穿耳。螺髻長拳不裹頭。自愛肌膚黑如漆。行時半脫木綿裘。

贈李杭州

仙郎白首未歸朝。應爲蒼生領六條。惠化州人盡清淨。高情野鶴共逍遙。竹間虛館無朝訟。山畔青田長夏苗。終日政聲長獨坐。開門唯望浙江潮。

送鄭尙書赴廣州

聖朝選將持符節。內制宣時百辟聽。海北蠻夷來舞蹈。嶺南封管送圖經。白鵬飛達遼唐庫均作遼迎官舫。紅槿開當讌客亭。此處莫言多瘴癘。天邊看取老人星。

賀祕書王丞南郊攝將軍

正初天子親郊禮。詔攝將軍領衛兵。斜帶銀刀入黃道。先隨玉輅到青城。壇邊不在千官位。仗外唯聞再拜聲。共喜與君逢此日。病中無計得隨隨唐注作同行。

送令狐尙書赴東都留守

朝廷重寄在關東。共說從來選上公。勳業新成大梁鎮。恩榮更守洛陽宮。行香暫出天橋上。巡禮常過禁殿中。每領羣臣拜章慶。慶唐注作表半開門仗日曠曠。

拜豐陵

順宗

歲朝園寢遣公卿。學省班中亦攝行。身逐陵官齊再拜。手持木鐸叩三聲。寒更報點來山殿。曉炬

分行照柏城。卻下龍門看漸遠。金峯高處日微明。

贈孔尚書

能將直道歷榮班。事著元和實錄間。三表自陳辭北闕。一家相送入南山。買來侍女教人嫁。賜得朝衣在篋閑。宅近青山山唐注作門。高靜處。時歸林下暫開關。

酬杭州白使君兼寄浙東元大夫

相印暫離臨遠鎮。掖垣出守復同時。一行已作三年別。兩處空傳七字詩。越地江山應共見。秦天風月不相知。人間聚散真難料。莫歎平生信所之。

寄蘇州白二十二使君

三朝出入紫微臣。頭白金章未在身。登第早年同座主。題詩今日異州人。閩門柳色煙中遠。茂苑鶯聲雨後新。此處吟詩向山寺。知君忘卻曲江春。

送白賓客分司東都

赫赫聲名三十春。高情人名家作今獨出埃塵。病辭省闕歸閑處。恩許宮曹作上賓。詩裏難同相得伴。酒邊多見自由身。老人人名家作夫也擬休官去。便是君家池上人。

贈閻少保

辭榮戀闕未還鄉。脩養年多氣力強。半俸歸燒伏火藥。全家解說養生方。特承恩詔新開戟。每見公卿不下牀。竹樹清深寒院靜。長懸石磬在虛廊。

贈別王侍御赴任陝州司馬

唐注題作贈王司馬赴陝州。

京城在處閑人少。唯共君行並馬蹄。更和詩篇名最出。時唐注作對。傾盃酒興常齊。同趨闕下聽鐘漏。獨向軍前聞鼓鼙。今日春明門外別。更無因得到街西。

田司空入朝

西來將相位兼雄。不與諸君君唐注作軍。觀禮同。早變山東知順命。新收濟上立殊功。朝官敍謁趨門外。恩使宣迎滿路中。閭闔曉來來唐注開。銅漏靜。身當受冊大明宮。

送浙西周判官

唐注題作送浙東周阮範判官。

由來自自唐注作身。是煙霞客。早已聞名詩酒間。天闕因將賀表到。家鄉新著賜衣還。常吟卷裏相酬句。自話湖邊舊住山。吳越主人偏愛重。多應不肯放君閑。

送吳

吳唐注作胡。

鍊師歸王屋

玉陽峯下學長生。洞府仙鄉已有名。獨戴熊鬚冠暫出。唯將鶴尾扇同行。煉成雲母休炊爨。召得雷公當吏兵。卻到瑤瑤唐注作天。壇上頭宿。應聞空裏步虛聲。

送邵州林使君

詞客南行寵命新。瀟湘郡入曲江津。山幽自足探微處。俗朴應無爭競競名家作訟人。郭外相連排殿閣。市中多半用金銀。知君不作家私計。遷日還回到日貧。

寄王六侍御

漸覺近來筋力少。難堪今日在風塵。誰能借問功名事。祇自扶持老病身。積得藥資將助道。肯嫌家計不如人。洞庭已置新居宅。宅唐作處歸去期君與作鄰。

送稽亭山寺僧

唐注無寺字

師住稽亭高處寺。斜廊曲閣倚雲開。山門十里松間入。泉澗三重洞裏來。名岳尋遊今已徧。徧原作據師住稽亭高處寺。斜廊曲閣倚雲開。山門十里松間入。泉澗三重洞裏來。名岳尋遊今已徧。徧原作據

送汀州元

元唐作源

使君

曾成趙北歸朝計。因拜王門最好官。爲郡暫辭雙鳳闕。全家遠過九龍灘。山鄉祇有輸蕉戶。水鎮應多養鴨欄。地僻尋常來客少。刺桐花發共誰看。

寄孫洛陽格

唐注題作寄洛陽孫明府

久持刑憲聲名遠。好是明朝正直臣。赤縣上來應足事。青衫老去未離身。常思從省連歸馬。乍覺

同班少舊人。遙愛南橋秋日晚。雨邊楊柳映天津。

胡山人歸王屋因有贈

轉轉無成到白頭。人間舉眼盡堪愁。此生已是蹉跎去。每事終從鹵莽休。雖作閑官少拘束。難逢勝景可淹留。君歸與訪移家處。若箇峯前前唐作頭最較幽。

寄虔

虔原作處。據唐改。

州韓使君

南康太守負才豪。五十如今未擁旄。早得一人知姓字。常聞三事說功勞。月明渡口漳漳名家作章江靜。雲散城頭巔石高。郡政已成秋思遠。閑吟應不問官曹。

送從弟濠赴饒州

京城南去鄱陽遠。風月悠悠別思勞。三領郡符新寄重。再登科第舊名高。去程江上多看埃。迎吏船中亦帶刀。到日更行清靜化。天唐作田春。應不見蓬蒿。

羅道士

羅唐注作贈。

城裏無人得貨年。衣襟常帶臭黃煙。樓中賒酒唯留藥。洞裏爭棋不賒庫作賭。錢。聞客語聲知貴賤。持持唐注作對。花歌詠似狂顛。尋常行處頻逢見。世上多疑是謫仙。

寄陸渾趙明府

與君學省同官處。常日相隨說道情。新作陸渾山縣長。早知三禮甲科名。郭中時有仙人住。城內應多藥草生。公事稀疎來客少。無妨着屐獨閑行。

同蔣韋二少監贈李郎中

唐題作同將作韋二少監贈水部李郎中。

舊年同是此此唐作水曹郎。各罷魚符自楚鄉。重着青衫承詔命。齊趨紫殿異班行。別來同說經過事。老去相傳補養方。憶得當時亦連步。如今獨在讀書堂。

贈王侍御

心同野鶴與塵遠。詩似冰壺見底清。府縣同趨昨日事。升沉不改故人情。上陽春晚蕭蕭雨。洛水寒來夜夜聲。自歎獨爲折腰吏。可憐驄馬路傍行。

送金少卿副使歸新羅

雲島茫茫天半半唐作畔微。向東萬里一帆飛。久爲侍子承恩重。今佐使臣銜命歸。過海便應將國信。到鄉猶自着朝衣。從前此去人無數。光彩如君定是希。

送李司空赴鎮襄陽

中外兼權社稷臣。千官齊出拜行塵。再調公鼎勳庸盛。三受兵符寵命新。商路雪明旗旆遠。遠唐作展。楚堤梅發驛亭春。襄陽風景由來好。重與江山作主人。

送李僕射

唐作李僕射

赴鎮鳳翔

由來勳業屬英雄。兄弟連榮列位同。先入賊城城名家擒首惡。盡封官庫讓元公。公名家作功旌幢獨繼家聲外。竹帛新添國史中。天子欲欲唐作新收秦隴地。故教移鎮在在唐作古。名家作右。扶風。

寄白二十二舍人

早知內詔過先

先唐注作前。

輩

輩原作輩。據唐庫改。

蹭蹬江南百事疎。湓浦城中爲上佐。爐峯寺後着幽居。偏依仙

法多求藥。長共僧遊不讀書。三省比來名望重。肯容君去去唐注作意。樂樵漁。

送友人盧處士遊吳越

以下三百據全唐詩補。

羨君東去見殘梅。惟有王孫獨未回。吳苑夕陽明古堞。越宮春草上高臺。波生野水雁初下。風滿驛樓潮欲來。試問漁舟看雪浪。幾多江燕燕庫作野。荇花開。庫本亦錄此詩。

蘇州江岸留別樂天

一作白居易詩。題云武丘寺路宴留別諸妓。

銀泥裙映錦障泥。畫舸停桡馬簇蹄。清管曲中鸚鵡語。紅旗影動薄寒嘶。漸消酒色朱顏淺。欲話離情翠黛低。莫忘使君吟詠處。女庫作汝。墳湖北武丘西。庫本亦錄此詩。

寒食看花

早入公門到夜歸。不因寒食少閑時。顛狂遶樹猿離鎖。踴躍緣岡馬斷羈。酒汙衣裳從客笑。醉饒

言語覓花知。老來自喜常無事。仰面西園得詠詩。

留別微之

此首據庫本補。

千時久與本心違。悟道深知前事非。猶厭勞形辭郡印。那能趁伴著朝衣。五千言裏教知足。三百篇中勸式微。少室雲邊依水畔。比君較老合先歸。

張籍詩集卷五

五言絕句

和韋開州居

居唐作盛

山十二首

宿雲亭

亭唐作寺

清淨當深處。虛明向遠開。卷簾無俗客。應只見雲來。

梅溪

自愛新梅好。行尋一徑斜。不教人掃石。恐損落來花。

茶嶺

紫芽連白蘂。初向嶺頭生。自看家人摘。尋常觸露行。

流杯渠

渠名家作亭

淥酒白螺杯。隨流去復回。似知人把處。各向面前來。

盤石磴

壘石連空遠。層層勢更危。不知行幾匝。得到上頭時。

桃塢

春塢桃花發。多將野客遊。日西殊未散。看望酒缸頭。

竹巖

獨入千竿裏。緣巖踏石層。笄頭齊欲出。更不許人登。

琵琶臺

臺上綠羅春。閑登不待人。每當休暇日。着屐戴綸巾。

胡蘆沼

曲沼春流滿。新蒲映野鵝。閒齋朝飯後。拄杖遶行多。

隱月岫

月出深峯裏。清光夏亦寒。每嫌西落疾。不得到明看。

繡衣石榻

山城無別味。藥菜兼魚果。時引繡衣人。同來石上坐。

上士泉餅

唐注無餅字。

培上一眼泉。四邊青石甃。唯有護淨僧。添餅將盥漱。

送遠客

憔悴遠行客。殷勤欲別杯。九星壇下路。幾日見重來。

寄西峯僧

松暗水涓涓。夜涼人未眠。西峯月猶在。遙憶草堂前。

禪師

唐注題作西峯頂。

獨在西峯頂。年年閉石房。定中無弟子。人到爲焚香。

惜花

山中春已晚。處處見花稀。明日來應盡。林間宿不歸。

題暉

唐注暉下有禪字。

師影堂

日早欲參禪。竟無相識緣。道場今獨到。惆悵影堂前。

涇州塞

行道涇州塞。唯聞羌戍聲。道邊古雙堠。猶記向安西。

野田

原本卷七有野草一首。與此詩重復已刪去。

漠漠漢刪去一首作幕幕。野田草。草中牛羊道。古墓無子孫。白楊不得老。

岸花

原本卷七有岸花一首。與此詩重復。已刪去。

可憐岸邊樹。紅蕊發青條。東風吹渡水。衝着木蘭橈。

別韋蘇州

以下兩首據庫本補。

百年愁裏過。萬感醉中來。惆悵城西別。愁眉兩不開。

從軍行

孤心眠夜雪。滿眼是秋沙。萬里猶防塞。三年不見家。

張籍詩集卷六

七言絕句

送蜀客

蜀客南行祭祭唐注碧雞。木綿花發錦江西。山橋日晚行人少。時見猩猩樹上啼。

送元結

昔日同遊漳水邊。如今重說恨綿綿。天涯相見還離離唐注別。客路秋風又幾年。

宮山祠

秋草宮人唐注斜裏墓。宮人誰送葬來時。千千萬萬皆如此。家在邊城亦不知。

美人宮某

紅燭臺前出出唐注翠娥。海沙鋪局巧相和。趁行移手手名家巡收盡。數數看誰得最多。

蠻州

瘴水蠻中入洞流。人家多住竹棚頭。一唐注庫均作青。山海土土名家庫均作上。無城郭。唯見松牌記象州。

送元宗簡

貂帽垂肩窄皂裘。雪深騎馬向西州。暫時相見還相送。送名家作別。卻閉閑門依舊愁。

寄徐晦

鄠陂魚美酒偏濃。不出琴齋見雪峯。應勝昨來趨府日。簿簿原作薄。據唐庫改。書林上亂重重。

寄白學士

自掌天書見客稀。縱因休沐鎖雙扉。幾迴扶病欲相訪。知向禁中歸未歸。

喜王六同宿

十八年來恨別離。唯同一宿詠新詩。更相借問詩中語。共說如今勝舊時。

題玉像堂

玉毫不着世間塵。輝相分明十八身。入夜無煙燈更好。堂中唯有轉經人。

與賈島閑遊

水北原南草色新。雪消風暖不生塵。城中車馬應無數。解得閑行有幾人。

哭丘丘唐作邱。長史

丘丘唐作邱。公已歿故人稀。欲過街西更訪誰。每到子城東路上。憶君相逐入朝時。

哭孟寂一作哭孟郊。

曲江院裏題名處。十九人中最少年。今日春光吟吟名家庫均作君不見。杏花零落寺門前。唐注云。唐進士登科記。孟寂乃中書舍人。高郢所取第十六名。其年進士十七人。博學宏詞二人。故詩云十九人。

患眼

三年患眼今年校。免校免唐庫均作免校與風光便隔生。昨日韓家後園裏。看花猶似未分明。

答劉競

競名家庫均作競

劉君久被時拋擲。老向城中作選人。昨日街西相近住。每來存問老夫身。

贈華嚴院僧

一身依止荒閑院。燭燭窗中有宿煙。徧禮華嚴經裏字。不曾行到寺門前。

逢故人

山東一一唐注庫均作二十餘年別。今日相逢在上都。說盡向來無限事。相看盡是白髭鬚。

送蕭遠弟

街北槐花傍馬垂。病身相送出門遲。與君別後秋風夜。作得新詩說向誰。

送辛少府任樂

安上據唐增樂字。目亦照增。

安縣

才多不肯浪容身。老大詩章轉更新。選得天台山下住。一家全全名家作渾作學仙人。

贈任道人

長安多病無生計。藥鋪醫人亂索錢。欲得定知身上事。憑君爲算小行年。

招周居士

居唐注
作處。

閉門秋雨濕牆莎。俗客來稀野思多。已掃書齋安藥竈。山人作意早經過。

送許處士

高情自與俗人疎。獨向藍谿僻處居。會到到名家
作對。白雲長取醉。不能窗下讀閑書。

送律師歸婺州

京中開講已多時。曾作壇頭證戒師。歸到雙溪橋北寺。鄉僧爭就學威儀。

題楊祕書新居

愛閑不向爭名地。宅在街西最靜坊。卷裏詩過一千首。白頭新受祕書郎。

送胄

胄唐名家庫
均作胄。師

九星臺臺庫作
增。下煎茶別。五老峯頭覓寺居。作得新詩旋相寄。人來請莫達空書。

送僧往全州

往全唐注名
家均作歸金。

州

聞道谿谿谿名家
作漢。陰山水好。師行一一徧經過。事須覓取堪居處。若箇谿頭藥最多。

尋徐道士

尋師遠到暉天觀。竹院森森閉藥房。聞入靜來經七日。仙童簷下獨焚香。

答開州韋使君寄車前子

開州午日車前子。作藥人皆道有神。慚愧使君憐病眼。二。三。庫作千里外寄閑人。

憶故州

州唐注
作山。

累石爲山伴野夫。自收靈藥讀仙書。如今身身庫作是他州他州名家
作干名。客。每見青山憶舊居。

送客遊蜀

行盡青山到益州。錦城樓下三三唐庫均
作二。江流。杜家曾向此中住。爲到浣花谿水頭。

送陸暢

共踏長安街裏塵。吳州獨作未歸身。昔年昔年名家
作胥門。舊宅今誰住。君過西塘與問人。

感春

遠客悠悠任病身。謝家池上又逢春。明年各自東西去。此地看花是別人。

贈李司議

漢庭誰問投荒客。十載天南着白衣。秋草茫茫惡谿路。嶺頭還還唐作
遙。送北人歸。

別客

青山歷歷水悠悠。今日相逢明日秋。繫馬城城庫作橋邊楊柳樹。爲君沽酒暫淹留。

登樓寄胡家兄弟

獨上西樓盡日閑。林煙演漾鳥綿蠻。謝家兄弟重城裏。不得同看雨後山。

答劉明府

身病多時又客居。滿城親舊久久庫作盡相疎。可憐絳縣劉明府。獨獨唐庫均作獨解頻頻寄遠書。

酬藤杖

病裏出門行步遲。喜君相贈古藤枝。倚來自覺身生力。每向傍人說得時。

法雄寺東樓

汾陽舊宅今爲寺。猶有當時歌舞樓。四十年來車馬絕。古槐深巷暮蟬愁。

寄故人

靜曲閑房病客居。蟬聲滿樹槿花疎。故人祇在藍田縣。強半年來未得書。

鄰婦哭征夫

雙鬢初合便分離。萬里征夫不得隨。今日軍回身獨歿。去時鞍馬別人騎。

和崔駙馬聞蟬

鳳凰樓下下名家作上。多歡樂。不覺秋風暮雨天。應爲昨來身暫病。蟬聲得到耳傍邊。

和裴僕射看櫻桃花

昨日南園新雨後。櫻桃花發舊枝柯。天明不待人同看。遶樹重重履跡多。

和長安郭明府與友人縣中會飲

一罇清酒兩人同。好在街西水縣中。自恨病身相去遠。此時閑坐對秋風。

唐呂觀看花一作興唐。

新紅舊紫不相宜。看覺從前兩月遲。更向同來詩客道。明年到此莫過時。

九華觀看花

街西無數閑遊處。不似九華仙觀中。花裏可憐池上景。幾重牆壁貯春風。

贈姚合

丹鳳城門向曉開。千官相次入朝來。唯君獨走衝塵土。下馬橋邊報直迴。

同韋員外開元觀尋時道士

觀裏初晴竹樹涼。閑行共到最高房。昨來官罷無生計。欲就師求斷穀方。

同韓侍御南谿夜賞

喜作閑人得出城。南谿兩月逐君行。忽聞新命須歸去。一夜船中語到明。

使行望悟真寺

採玉峯連佛寺幽。高高斜對驛門樓。無端來去騎官馬。寸步教身不得遊。

重陽日至峽道

無限青山行已盡。迴看忽覺遠離家。逢高欲飲重陽酒。山菊今朝未有花。

贈主客劉郎中

憶昔君登南省日。老夫猶是褐衣身。誰知二十餘年後。來作客曹相替人。

同嚴給事聞唐昌觀玉蘂

玉蘂名家作玉蕊院。

近有仙過作二首

作二首唐作因成絕句二首。

千枝花裏玉塵飛。阿母宮中見亦稀。應共諸仙鬪百草。獨來偷折一枝歸。

九名家作五。

色雲中紫鳳車。尋仙來到洞仙家。飛輪迴處無踪跡。唯有班班滿地花。

秋思

洛陽城裏見秋風。欲作歸

歸唐注作家。

書意萬重。復恐匆匆說不盡。行人臨發又開封。

憶遠

行人猶未有歸期。萬里初程日暮時。唯愛門前雙柳樹。枝枝葉葉不相離。

玉仙館

長谿新雨色如泥。野水陰雲盡向西。楚客天南行漸遠。山山樹裏鷓鴣啼。

寄府吏

野外尋花共作期。今朝出郭不相隨。待君公事有閑日。此地春光應過時。

張

張唐名家庫均作弟。

蕭遠雪夜同宿

數卷新遊蜀地唐庫均作客。詩。長安僻巷得相隨。草堂雪夜攜琴宿。說似青城館裏時。

涼州詞

三首

邊城暮雨雁飛低。蘆筍初生漸欲齊。無數鈴聲遙過磧。應馱白練到安西。

鳳林關裏水東流。白草黃榆六十秋。邊將皆承主恩澤。無人解無人解名家作渾無人。道取涼州。

古鎮城門白磧開。胡兵往往傍沙堆。巡邊使客行應早。欲問平安無使來。

宮詞

二首

新鷹初放兔猶肥。白日君王在內稀。薄暮千門臨欲鎖。紅粧飛騎向前歸。

黃金捍撥紫檀槽。絃索初張調更高。盡理昨來新上曲。內官簾外送櫻桃。此首據全唐詩補。

華清宮

溫泉流入漢離宮。宮樹行行浴殿空。武帝時人今欲盡。青山空閉御牆中。

崔駙馬養鶴

身閑無事稱高情。已有人間章句名。求得鶴來教翦翅。望仙臺下亦將行。

閑遊

老身不計人間事。野寺秋晴每獨過。病眼校來猶斷酒。卻嫌行處菊花多。

劉兵曹贈酒

一餅顏色似秋

秋唐庫均作甘

泉。開向新栽小竹前。飲罷身中更無事。移床獨就夕陽眠。

送梧州王使君

楚江亭上秋風起。看發蒼梧太守船。千里同行從此別。相逢又隔幾多年。

春日早朝

曉陌春寒朝騎來。瑞雲

雲名家作煙

深處見樓臺。夜來新雨沙堤濕。東上閣門應未開。

寄朱闕二山人

爲箇朝章束此身。眼看東路

路唐注作洛

去無因。歷陽舊客今應少。轉憶鄰家二老人。

寄李渤

渤名家
作激

五度谿頭躑躅紅。嵩陽寺裏講時鍾。春山處處行應好。一月看花到幾峯。

尋仙

谿頭一徑入青崖。處處仙居隔杏花。更見峯西幽客說。雲中猶有兩三家。

同白侍郎杏園贈劉郎中

一去瀟湘頭已白。今朝始見杏花春。從來遷客應無數。重到花前有幾人。

答鄱陽客藥名詩

江臯歲暮相逢地。黃葉霜前半夏枝。子夜吟詩向松桂。心中萬事喜君知。

寄宋景

詔發官兵取亂臣。將軍弓箭不離身。君今獨在征東府。莫遣功名屬別人。

寄王奉御

奉御唐作
侍御

愛君紫閣峯前好。新作書堂藥竈成。見欲移居相近住。有田多與種黃精。

題渭北寺上人

上人唐作
上方

昔祭郊壇今謁陵。寺中高處復復名家作重來登。十餘年後人多別。喜見當時轉讀僧。

閑遊

唐注題作題
山寺僧院。

終日不離塵土間。若爲能見此身閑。今朝暫共遊僧語。更恨多多唐作趨時別舊山。

倡女詞

輕鬟叢梳闊掃眉。爲嫌風日下樓稀。畫羅金縷難相稱。故着尋常淡薄衣。

答元八遺

遺原作遺。據唐
及原本目錄改。

紗帽

黑名家
作墨。紗方帽君邊得。稱對山前坐竹牀。唯恐被人偷樣剪。不曾閑戴出書堂。

題僧院

聞師行講青龍院。本寺往來多少年。靜掃空房唯獨坐。千莖秋竹在簷前。

送元八

百神齋祭相隨徧。尋水看山亦共行。明日城西送君去。舊遊重到獨題名。

吳楚歌詞

庭前春鳥啄林聲。紅夾羅襦縫未成。今朝社日停針線。起向朱櫻樹下行。

題方睦

睦名家
作睦。

上人月臺觀

一身清淨無童子。獨坐空堂得幾年。每夜焚香通月觀。可憐光影最團圓。

華山廟

金天廟下西京道。巫女紛紛走似煙。手把紙錢迎過客。遣求恩福到神前。

病中酬元宗簡

東風漸暖滿城春。獨向深房養病身。莫說櫻桃花已發。今年不作看花人。

寺宿齋

晚到金光門外寺。寺中新竹隔簾多。齋宮齋宮名家作齋宮禁與僧相見。院院開門不得過。

贈施肩吾

世間漸覺無多事。雖得空名未着身。合取藥成相待喫。不須先作上天人。

贈王建

自唐名家庫均作白。君去後交遊少。東野亡來篋笥貧。賴有白頭王建在。眼前猶見詠詩人。

逢賈島

僧房逢着款冬花。出寺行吟日已斜。十二街中春雪遍。馬蹄今去入誰家。

楚妃怨

梧桐葉下黃金井。橫架轆轤牽素綆。美人初起天未明。手拂銀瓶秋水冷。

離宮怨

高堂別館連湘渚。長向春光開萬戶。荆王去去不復來。宮中美人自歌舞。

成都曲

錦江近西煙水綠。新雨山頭荔枝熟。萬里橋邊多酒家。遊人愛向誰家宿。

寒塘曲

寒塘沉沉柳葉疎。水暗人語驚棲鳧。舟中少年醉不起。持燭照水射遊魚。

春別曲

長江春水水百家作波綠堪染。蓮葉出水大如錢。江頭橋樹君自種。那不长繫木蘭船。

臺城

臺城六代競豪華。結綺臨春事最奢。萬戶千門成野草。只緣一曲後庭花。

春詞

新粧面面下朱樓。深鎖春光一院愁。行到中庭數花朵。蜻蜓飛上玉搔頭。

浪淘沙詞

尊前作劉禹錫詞

鸚鵡洲頭浪颭沙。青樓春望日將斜。銜泥燕子爭歸舍。獨自狂夫不憶家。

傷愚溪 二首

柳門竹巷依依在。野草青苔日日多。縱有鄰人解吹笛，山陽舊侶更誰過。
溪水悠悠春自來。草堂無主燕飛回。隔簾唯見中庭草。一樹山榴依舊開。

聽舊宮人穆氏唱歌

曾隨織女渡天河。記得雲間第一歌。休唱貞元供奉曲。當時朝士已無多。

楊柳枝詞

二首。傳前作
劉禹錫詞。

煬帝行宮汴水濱。數株殘柳不勝春。晚來風起花如雪。飛入宮牆不見人。
城外春風吹酒旗。行人揮袂日西時。長安陌上無窮樹。唯有垂楊管別離。

宿都庭有懷

雷雨湘江起臥龍。武陵樵客躡仙蹤。十年楚水楓林下。今夜初聞長樂鍾。

無題

唐注作劉禹錫詩。
題云踏歌詞。

桃蹊柳陌好經過。燈下粧成月下歌。爲是襄王故宮地。至今猶有有唐注
作自。細腰多。

堤上行 二首

酒旗相望大堤頭。堤下連橋堤上樓。日暮行人爭渡急。槳聲幽軋滿中流。

江南江北望煙波。入夜行人相應歌。桃葉傳情竹枝怨。水流無限月明多。

竹枝詞

五首

白帝城頭春草生。白鹽山下蜀江清。南人上來歌一曲。北人莫上

北人莫上原作北上莫人。據劉賓客文集改。

動鄉情。

日出三竿春霧銷。江頭蜀客駐蘭橈。憑寄狂夫書一紙。家住成都萬里橋。

瞿唐嘈嘈十二灘。此中道路古來難。長恨人心不如水。等閑平地起波瀾。

以上三首尊前作楊柳枝劉禹錫詞。

山上層層桃李花。雲間煙火是人家。銀釧金釵來負水。長刀短笠去留餘。

楊柳青青江水平。聞郎江上唱歌聲。東邊日出西邊雨。道是無情還有情。

此首尊前作楊柳枝劉禹錫詞。

楊柳送客

青楓江畔白蘋洲。楚客傷離不待秋。君見隋朝更何事。綠楊南渡水悠悠。

送客還幽州

惆悵秦城送獨歸。薊門雲樹遠依依。秋來莫射南飛雁。從遣乘春更北飛。

揚州送客

南行直入鷗鵠羣。萬歲橋邊一送君。聞道望鄉聽不得。梅花暗落嶺頭雲。

隋宮燕

燕語如傷舊國春。宮花零落旋成塵。自從門閉春光後。幾度飛來不見人。

山禽

原本卷七有山禽一首。與此詩重複。已刪去。

山禽毛如白練帶。棲我庭前栗。

栗原作栗。據刪去一首校改。

樹枝。獼猴半夜來取栗。一雙出

出原作中。據庫本改。

林向月飛。

秋山

原本卷七有秋山一首。與此首重複。已刪去。

秋山無雲復無風。溪頭看月出深松。草堂不閉

閉。刪去一首作問。

石床靜。葉間墜露聲重重。

玉眞觀

臺殿曾爲貴主家。春風吹盡竹窗紗。院中仙女脩香火。不許閑人入看花。

蠻中

銅柱南邊毒草春。行人幾日到金麟。

麟。庫作濤。

玉鑲穿耳誰家女。自抱琵琶迎海神。

贈道士

唐注題作剡溪逢茅山道士。

芾山近別剡谿逢。玉節青旄十二重。自說年年上天去。羅浮最近海邊峯。

重

重唐注作望。

平驛作

庫題作平望驛。

茫茫菰草平如地。渺渺長堤曲似城。日暮未知投宿處。逢人更問向前程。

宿天竺寺寄盧

盧唐名家均作靈。

隱寺僧

夜向靈谿息此身。風泉竹露淨衣塵。月明石上堪同宿。那作山南山北人。

酬朱慶餘

此首據全唐詩補。

越女新妝出鏡心。自知明豔更沈吟。齊紈未是人間貴。一曲菱歌敵萬金。庫本亦錄此詩。

寒食憶歸

以下二首見歲時雜詠。

京中曹局無多事。寒食貧兒要在家。遮莫杏園勝別處。亦須歸看傍村花。

寒食

綠楊枝上五絲繩。枝弱春多欲不勝。唯有一年寒食日。女郎相喚擺階櫳。

虎丘寺

以下三首據庫本補。

望日登樓海氣昏。劍池無底浸雲根。老僧只怕山移去。日暮先教鎖寺門。

贈劉郎中

怪君把酒空惆悵。同是貞元花下人。自別花來多少事。東風二十四回春。

綺繡宮

玉樓傾側粉牆空。重疊青山繞故宮。武帝去來紅袖盡。野花黃蝶領春風。

張籍詩集卷七拾遺

樂府三十三首

隴頭行

隴頭路斷人不行。胡騎已

已唐作夜。

入涼州城。漢兵處處格鬪死。一朝盡沒隴西地。驅我邊人胡中

胡作庫

蕭關。去。恣恣唐作散。

放牛羊食禾黍。去年中國養子孫。今着氍毹學胡語。誰能還

還唐作更。

使李輕車。重取

涼州屬。屬唐作入。漢家。

廢宅行

胡馬崩騰滿阡陌。都人避亂唯空宅。宅邊青桑垂宛宛。野蠶食葉還成繭。黃雀唧唧草入燕窠。嘖嘖啾啾白日晚。去時禾黍埋地中。饑兵掘土翻重重。鴟梟養子庭樹上。曲牆空屋屋一作室。多旋風。亂定幾人還本土。唯有官家重作主。

秋夜長

秋天如水夜未央。天漢東西月色光。愁人不寐畏枕席。暗蟲嘖嘖嘖嘖唐作唧唧。遶我傍。荒城爲村無更聲。起看北斗天未明。白露滿田風裊裊。下聲萬聲鵲鳥鳴。

塞上

上唐作
下。曲

邊州八月修城堡。候騎先燒磧上。上唐作中。草。胡風吹沙度隴飛。隴頭林木無北枝。將軍閱兵青塞下。鳴鼓鑿鑿促獵圍。天寒山路石斷裂。白日不銷帳上雪。烏孫國亂多降胡。詔使名王持漢節。年年征戰不得閒。邊人殺盡唯空山。

董逃行

洛陽城頭火燿燿。亂兵燒我天子宮。宮城南面有深山。盡將老幼藏其間。重巖爲屋椽爲食。丁男夜行候消息。聞道官軍猶掠人。舊里如今歸未得。董逃行。漢家幾時重太平。

江村行

南塘水深蘆筍齊。下田種稻不作畦。耕場磷磷在水底。短衣半染蘆中泥。田頭刈莎結爲屋。歸來繫牛還獨宿。水淹手足盡爲瘡。山蠶遶衣飛撲撲。桑村棋黑蠶再眠。小姑採桑不餉田。江南熱旱天氣毒。雨中移秧顏色鮮。一年耕種長苦辛。田熟家家將賽神。

湘江曲

湘江無潮秋水闊。湘中月落行人發。行人發。送人歸。白蘋茫茫鷗鵠飛。

白鼃吟

吟唐作
鳴。

天欲雨。有東風。南溪白蠭鳴窟中。六月人家井無水。夜聞蠭聲人盡起。

樵客吟

山上採樵選枯樹。深處樵多出辛苦。秋來野火燒櫟林。枝柯已枯堪採取。斧聲坎坎在幽谷。採得齊稍稍唐作青葛束。日西待伴同下山。竹擔彎彎向身曲。共知路傍多虎穴。未出深林不敢歇。村西

地暗狐兔行。稚子叫時相應聲。採樵客。莫採松與柏。松柏生枝直且堅。與君作屋成家宅。宅庫作室

春江曲

春江無冰潮水平。蒲心出水鳧鷖鳴。長干夫壻愛遠行。自染春衣縫已成。妾身生長金陵側。去年夫壻夫壻名家作隨夫住江北。春來未到父母家。舟小風多渡不得。欲辭舅姑先問人。私向江頭祭鬼神。

烏棲曲

西山作宮花花庫作潮滿池。宮烏曉鳴茱萸枝。吳姬採蓮自唱歌。君王昨夜船中宿。

短歌行

青天蕩蕩高且虛。上有白日無根株。流光暫出還入地。使我少年不須臾。與君相逢勿寂寞。衰老不復如今樂。金卮盛酒置君前。再拜勸勸唐作顯君千萬年。

泗水行

泗水流急石纂纂。鯉魚上下紅尾短。春冰消銷唐作散日華滿。行舟往來浮橋斷。城邊漁市人早行。水煙漠漠多棹聲。

雲童行

雲童童。白龍之尾垂江中。今年天旱不作雨。水足牆上有禾黍。

長塘湖

長塘湖。一斛水中半斛魚。大魚如柳葉。小魚如針鋒。水濁誰能辯辯名家作辨真龍。

雀飛多

雀飛多。觸網羅。網羅高樹顛。汝飛蓬蒿下。勿復投身網羅間。粟積倉。禾在田。巢之鵲。望其母來還。

寄菖蒲

唐注題作寄菖蒲吟

石上生菖蒲。一寸十二節。仙人勸我食。令我頭青面如雪。逢人寄君一絳囊。書中不得傳此方。君能來作棲霞侶。與君同入丹玄鄉。

山頭鹿

山頭鹿。雙角芟芟尾促促。貧兒多租輸不足。夫死未葬兒在獄。旱日熬熬蒸野岡。禾黍不熟熟唐作收

無獄糧。縣家惟憂少軍食。誰能令爾無死傷。

憶遠曲

水上山沉沉。征途復繞林。途荒人行少。馬迹猶可尋。雪中獨立樹。海口失侶禽。離愛如長線。千里縈我心。

春堤曲

野塘鷓鴣飛樹頭。綠蒲紫菱蓋碧流。誰家狂客愛雲水。日日獨來城下游。

湖南曲

瀟湘多別離。風起芙蓉洲。江上人已遠。夕陽滿中流。鴛鴦東南飛。飛上青山頭。

春水曲

鴨鴨。嘴啜啜。青蒲生。春水狹。蕩漾木蘭船。中有雙少年。少年醉。鴨不起。

送遠曲

吳門向西流水長。水長柳暗煙茫茫。行人送客各惆悵。話離敝別傾清觴。吟絲竹。鳴笙簧。酒酣性逸歌猖狂。行人告我挂帆去。此去何時返故鄉。殷勤振衣兩相囑。世事近來還淺促。願君看取吳門山。帶雪經春依舊綠。行人行處求知親。送君去去徒酸辛。

楚妃怨

怨唐作
歎

湘雲初起江沉沉。君王遙在雲夢林。江南雨多旌戟暗。臺下朝朝春水深。章華殿前朝下下唐作萬國。
君心獨自自庫作樂終無極。楚兵滿地兼逐禽。誰用一身驕筋力。西江若翻雲夢中。麋鹿死盡應還宮。

春日行

春日融融池上暖。竹芽出土蘭心短。草堂晨起酒半醒。家僮報我一有後字。唐注云一本有後字。園花已字滿。頭上皮冠未曾整。直入花間不尋逕。樹樹殷勤盡繞行。攀枝未遍春日暝。不用積金着青天。不用服藥求神仙。但願園裏花長好。一生飲酒花間老。

廢瑟詞

古瑟在匣誰復識。玉柱顛倒朱絲黑。千年曲譜不分明。樂府無人傳正聲。秋蟲暗穿塵作色。腹中
不辯工人名。幾時天下復古樂。此瑟重奏雲門曲。

洛陽行

洛陽宮闕常中州。城上峨峨十二樓。翠華西去幾時返。梟梟原作鳥。據唐改。唐注作鳴。巢乳鳥藏蟄燕。御門空鎖
五十年。稅彼農夫修玉殿。六街朝暮鼓鑿鑿。禁兵持戟守空宮。百官日日名家作月。月拜章表。驛使相續
長安道。上陽宮樹黃復綠。野豺入苑食麋鹿。陌上老翁雙淚垂。共說武皇巡幸時。

懷別

僕人驅行軒。低昂出我門。離堂無留客。席上唯琴樽。古道隨水曲。悠悠繞荒村。遠程未奄息。別念在朝昏。端居愁歲永。獨此留輕唐作輕唐作清景。豈無經過人。尋嘆門巷靜。君如天上雨。我如屋下井。無因同波流。願作形與影。

離婦

十載來夫家。閨門無瑕疵。疵原作疵。據唐改。薄命不生子。古制有分離。託身言同穴。今日事乖違。念君終

棄捐。誰能強在茲。堂上謝姑嫜。長跪請離辭。姑嫜見我往。將決復沉疑。與我古時釧。留我嫁時衣。高堂拊我身。拊一作撫。哭我於路陲。昔日初爲婦。當君貧賤時。晝夜常紡績。不得事蛾眉。辛勤積

黃金。濟君寒與饑。洛陽買大宅。邯鄲買侍兒。夫婿乘龍馬。出入有光儀。將爲富家婦。永爲子孫資。誰謂出君門。一身上車歸。有子未必榮。無子坐生悲。爲人莫作女。作女實難爲。

新桃

唐題作新桃行。

桃生葉

葉庫作何。

婆娑。枝葉四面多。高未出牆顛。蒿莧相凌摩。植之三年餘。今年初試花。秋來未成

實。其陰良已嘉。青蟬不來鳴。安得迅羽過。常恐牽絲蟲。蒙罽成網羅。願託戲童兒。勿折吾柔柯。明年結甘實。磊磊充汝家。

惜花

濛濛庭樹花。墜地無顏色。日暮東風起。飄揚玉堦側。殘蕊在猶稀。青條聳復直。爲君結芳實。令君勿嘆息。

古風二十七首

董公詩

湯中謂此篇與學仙。樂天所稱。謂可下誨藩臣。上諷人主。

誰主東諸侯。元臣隴西公。旌節居汴水。四方皆承風。在朝四十年。天下誦其功。相我明天子。政成如太宗。東方有艱難。公乃出臨戎。單車入危城。慈惠安羣兇。公謂其黨言。汝材甚驍雄。爲我帳下士。出入衛我躬。汝息爲我子。汝親我爲翁。衆皆相顧泣。無不和且恭。其父教子義。其妻勉夫忠。不自以爲資。奉上但顒顒。公衣無文采。公食少肥濃。所憂在萬人。人實我寧空。輕刑寬其政。薄賦施唐作馳。租庸。四郡三十城。不知歲饑凶。天子臨朝喜。元老置在東。今聞揚盛德。就安我大邦。百辟賀明主。皇風恩賜重。朝廷有大事。就決其所從。海內旣無虞。君臣方肅雍。端居任僚屬。宴語常從容。翩翩者蒼鳥。來巢於林叢。甘瓜生場圃。一蒂實連中。田有嘉穀異。此句庫作田隴唐庫均作異。隴有嘉穀。畝穗亦同。賢人佐聖人。德與神明通。感應我淳化。生瑞我地中。昔者此州人。但矜馬與弓。今公施德禮。自然威武崇。公與其與其唐作其共。百年。受祿將無窮。

學仙

樓觀開朱門。樹木連房廊。中有學仙人。少年休穀糧。高冠如芙蓉。霞月披衣裳。六時朝上清。佩玉紛鏘鏘。自言天老書。祕覆雲錦囊。百年度一人。妄泄有災殃。每占有仙相。然後傳此方。先生坐中堂。弟子跪四廂。金刀截身髮。結誓焚靈香。弟子得其訣。清齋入空房。守神保元氣。動息隨天罡。爐燒丹砂盡。晝夜候火光。藥成既服食。計日乘鸞凰。虛空無靈應。終歲安所望。勤勞不能成。疑慮積心腸。虛羸生疾病。癰瘡作疹壽命多天傷。身歿懼人見。夜埋山谷傍。求道慕靈異。不如守尋常。先王知其非。戒之在國章。

沈千運舊居

汝北君子宅。我來見頽墉。亂離子孫盡。地屬鄰里翁。土木被丘墟。蹊路不相通。舊井蔓草合。牛羊墜其中。君辭天子書。放意任體躬。一生不自力。家與逆旅同。高議切星辰。餘聲激瘖聾。方將旌舊閭。百歲可封崇。嗟其未積年。已爲荒林叢。時豈無知音。音作者莫能敦此風。浩蕩竟無覩。我將安所從。

懷友

人生有行役。誰能如草木。別離感中懷。乃爲我桎梏。百年受命短。光景良不足。念我別離者。願

懷日月促。平地施道路。車馬往不復。空知爲良田。秋望禾黍熟。端居無儔侶。日夜禱耳目。立身難自覺。常恐懼。憂與辱。窮賤無閒暇。疾癘癘唐作痛。多嗜慾。我思攜手人。逍遙任心腹。

寄韓愈

野館非我室。新居未能安。讀書避塵雜。方覺此地閒。過郭多園墟。桑果相接連。獨游竟寂寞。如寄空雲山。夏景常晝毒。毒庫作。密林無鳴蟬。臨溪一盥濯。清去肢體煩。出林望曾城。君子在其間。戎府草章記。阻我此游盤。憶昔西潭時。並持釣魚竿。共忻得魴鯉。烹鱸於我前。幾朝還復來。嘆息時獨言。

別段生

與子骨肉親。其唐作。願其長相隨。況離父母傍。從我學詩書。同在道路中。講誦亦未覩。覩唐作。爲文於我前。日夕生光儀。行役多疾癘。癘唐作疾。賴此相扶持。貧賤事俱難。今日有別離。我去秦城中。子留汴水湄。離情兩飄斷。豈異風中絲。幼年獨爲客。舉動難爲宜。努力自脩勵。長如見我時。我時登山岡。再揖問還期。還期在新年。勿怨歡會遲。

贈姚怱

漏天日無光。澤土松不長。君今職下位。志氣安得揚。白庫作。髮文思壯。才爲國賢良。無人識高

韻。薦於天子傍。況我愚朴朴唐作村。姿強趨利名場。遠同千貴人。身舉固難彰。昔逢汴水濱。今會習池陽。豈無再來期。顧恐非此方。願爲石中泉。不爲瓦上霜。離別勿復道。所貴不相忘。

傷傷唐作哭于鵠

西山無逸人。忽覺大國貧。良玉沉幽泉。名爲天下珍。野性疎時俗。再命乃從軍。氣高終不合。去如鏡上塵。我初有章句。相合者惟君。今來弔嗣子。對隴燒斯文。耕者廢其耜。鑿者絕其薪。箚無新衣裳。曷用光我身。奠回回唐作酒。徒再拜。昔意昔意唐作哀懷。安能陳。徒保金石韻。千載人所聞。

獻從兄

悠悠旱天雲。不遠如飛塵。賢達失其所。沉飄同衆人。擢秀登王畿。出爲良使賓。名高滿朝野。幼賤誰不聞。一朝遇讒邪。流竄八九春。詔書近遷移。組綬未及身。冬井無寒冰。玉潤難爲焚。虛懷日迢遙。榮辱常保純。我念出游時。每吟康樂文。願言靈溪期。聊欲相依因。

南歸

促促念道路。四支不常寧。行車未及家。天外非盡程。骨肉望望唐作待。我歡。鄉里望我榮。豈知東與西。憔悴竟無成。天寒苦夜長。窮者不念明。懼離其寢寐。百憂傷性靈。世道多險薄。相勸異異唐作畢。忠誠遠遊無知音。不如商賈行。達人有常志。愚夫勞無無唐作所。營。舊山幸未賣。言歸樂此生。

臥疾

身病始知道。臥讀神農經。空房夜留燈。四壁青熒熒。羈旅逐人歡。貧賤還自輕。今來問良醫。乃知病所生。僮僕各相憂。杵臼無停聲。見我形憔悴。勸藥語丁寧。春雨枕席冷。窗前新禽鳴。開門起無力。遙愛雞犬行。服藥察耳目。漸覺如酒醒。方悟養生者。不爲憂患并。

贈孟郊

唐作贈別
孟郊

歷歷天上星。沉沉水中萍。幸當清秋夜。流影及微形。君生衰俗間。立身如禮經。淳意發高文。獨有金石聲。才名振京國。歸省東南行。停車楚城下。顧我不念程。寶鏡曾墮墮唐作墜水。不磨難自明。苦節居貧賤。所知賴友生。歡會方別離。戚戚憂慮并。安得在一方。終老無送迎。

城南

漾漾南澗水。來作曲池流。言尋參差島。曉榜輕盈舟。萬繞不再止。千尋盡孤幽。藻澀訝人重。萍分指魚游。繁苗毯下垂。密箭翻迴轉。曝鱉亂自墜。陰藤斜相鉤。臥蔭黑米吐。翻芰紫角稠。橋低競俯僂。亭近閒夷猶。日爲逐勝朗。手因掇芳柔。漸喜遊來極。忽疑歸無由。氣狀雖可覽。纖微諒難搜。未聽主人賞。徒愛清華秋。

夜懷

窮居積遠念。轉轉迷所歸。幽蕙零落色。暗螢參差飛。病生秋風簾。淚墮明月衣。無愁坐寂寞。重使奏清徽。

奉和舍人叔直省時思琴

藹藹紫微直。秋意深無窮。滴瀝仙閣漏。蕭穆禁池風。竹月泛涼影。萱露澹幽叢。地清物態勝。宵閒琴思通。時屬雅音際。迴凝虛抱中。達人掌樞近。常與隱默同。

野寺後池寄友

佛寺連野水。池幽夏景清。繁木蔭夫渠。時有水禽鳴。通溪岸塹斷。分渚流復縈。伴僧鐘磬罷。月來池上明。友人竟不至。東北見高城。獨遊自寂寞。況此恨盈盈。

寄別者

原本目錄作寄別。庫題亦作寄別。

寒天正飛雪。行人心切切。同爲萬里客。中路忽離別。別君汾水東。望君汾水西。積雪無平岡。空山無人蹊。羸馬時倚轅。行行未遑食。下車勸童僕。相顧莫歎息。詎知佳期隔。離念終無極。

病中寄白學士拾遺

秋亭病客眠。庭樹滿枝蟬。涼風繞砌起。斜影入牀前。梨晚漸紅墜。陸庫作墮菊寒無黃鮮。倦遊寂寞日。感嘆蹉跎年。塵歡久消委。華念獨迎延。自寓城闕下。識君弟事焉。君爲天子識。我方沉病纏。

無因會同語。悄悄中懷煎。

雨中寄元宗簡

秋堂羸病起。盥漱風雨朝。竹影冷疎澀。榆葉暗飄蕭。街徑多墜果。牆隅有蛻蜩。延瞻遊步阻。獨坐閒思饒。君居應如此。恨言相去遙。

惜花

春潭足芳樹。水清不如素。幽人愛華景。一一空山暮。月出潭氣白。游魚暗衝石。夜深春思多。酒醒山寂寂。

別于鵠

離燈及晨輝。行人起復思。出門兩相顧。青山路逶迤。

祭退之

嗚呼吏部公。其道誠巍昂。生爲大賢姿。天使光我唐。德義動鬼神。鑒用不可詳。獨得雄直氣。發爲古文章。學無不該貫。吏治得其方。三次論諍退。其志亦剛彊。再使平山東。不言所謀。謀原作謨。據唐改。臧。薦待皆寒羸。但取其才良。親朋有孤稚。婚姻有辦營。如彼天有斗。人可爲信常。如彼歲有春。物宜得華昌。哀哉未申施。中年遽殂喪。朝野良共哀。矧於知舊腸。籍在江湖間。獨以道自將。學

詩爲衆體。久乃溢笈囊。略無相知人。黯如霧中行。北遊偶逢公。盛語相稱明。名因天下聞。傳者入歌聲。公領試士司。首薦到上京。一來遂登科。不見苦貢場。觀我性朴直。乃言及平生。由茲

茲原作惹。據唐庫改。

類朋黨。骨肉無以常。坐令其子拜。常呼幼時名。追招不隔口。繼踐公之堂。出則連轡馳。

寢則對榻床。搜窮古今書。事事相酌

酌一作斟。

量。有花必同尋。有月必同望。爲文先見草。釀熟偕共

觴。新果及異鮭。無不相待嘗。到今三十年。曾不少異更。公文爲時師。

帥唐庫均作師。

我亦有微聲。而後

之學者。或號爲韓張。我官麟臺中。公爲大司成。念此耄耋。不能力自揚。特狀爲博士。始獲升

朝行。末幾享其資。遂忝南宮郎。是事賴拯扶。如屋有棟梁。去夏公請告。養疾城南莊。籍時官休

罷。兩月同游翔。黃子陂岸曲。地曠氣色清。新池四平漲。中有蒲荇香。北臺臨稻嶺。茂柳多陰涼。

板亭坐垂釣。煩苦稍已平。共愛池上佳。聯句舒遐情。偶有賈秀才。來茲亦間

間唐庫均作同。

并。移船入南

溪。東西縱篙根。

根唐庫均作撐。

劃波激船舷。前後飛鷗鷺。回入潭瀨下。網截鯉與魴。踏沙掇水蔬。樹下

烝新杭。口來相與嬉。不知晷日長。柴翁攜童兒。聚觀於岸傍。月中登高灘。星漢交垂芒。釣車擲

長綫。有獲齊歡驚。夜闌乘馬歸。衣上草露光。公爲遊谿詩。唱詠多慨慷。自期此可老。結社於其

鄉。籍受新官詔。拜恩當入城。公因同歸還。居處隔一坊。中秋十六夜。魄圓天差晴。公既相邀留。

坐語於堵檣。乃出二侍女。合彈琵琶箏。臨風聽繁絲。忽遽聞再更。顧我數來過。是夜涼難忘。公

疾浸日加。孺人視藥湯。來候不得宿。出門每迴遑。自是將重危。車馬候縱橫。門僕皆逆遣。獨我到寢房。公有曠達識。生死爲一綱。及當臨終晨。意色亦不荒。贈我珍重言。傲然委衾裳。公比欲爲書。遺約有修章。令我署其末。以爲後事程。家人號於前。有書不果成。子符奉其言。甚於親使令。魯論未訖注。手跡今微茫。新亭成未登。閉在莊西廂。書札與詩文。重疊我笥盈。頃息萬事盡。腸情多摧傷。舊塋盟津北。野窆動鼓鉦。柳車一出門。終天無迴箱。籍貧無贈貲。曷用申哀誠。衣器陳下帳。醪餌奠堂皇。明靈庶鑒知。髣髴斯來饗。

張籍詩集卷八

一十九首

山中齋人

山中日煖春鳩鳴。逐水看花任意行。向晚歸來石窗下。菖蒲葉上見題名。

岳州晚景

此詩舊選皆云張正言作。

晚景寒鴉集。秋聲遠雁歸。水光浮日去。霞彩映江飛。洲白蘆花吐。園紅柿葉稀。長沙卑濕地。九月未成衣。

水

已上三首見木鐸集。

蕩漾空沙際。虛明入遠天。秋光照不極。鳥色去無邊。勢引長雲闊。波輕片雪連。汀洲杳難測。萬古覆蒼煙。

送安法師

出郭見落日。別君臨古津。遠程無野寺。宿處問何人。原色不分路。錫聲遙隔塵。山陰到家節。猶及蕙蘭春。

寄靈一上人初歸雲門寺

寒山白雲裏。法侶自招攜。竹逕通城下。松門隔水西。方同沃洲去。不作武陵迷。彷彿遙看處。秋風是會稽。

夏日閒居

無事門多閉。偏知夏日長。早蟬聲寂寞。新竹氣清涼。閒對臨書案。看移曬藥牀。自憐歸未得。猶寄在班行。

老將

鬢衰頭似雪。行步急如風。不怕騎生馬。猶能挽硬弓。兵書封錦字。手詔滿香筒。今日身憔悴。猶誇定遠功。

秋閨

秋風窗下起。旅雁又一作向南飛。日日出門望。家家行客歸。無因見邊使。空待寄寒衣。獨閉青樓暮。煙深鳥雀稀。

山中春夜

寂寂春山靜。幽人歸臥遲。橫琴當月下。壓酒及花時。冷露濕茅屋。暗泉通一作竹籬。竹籬。西峯採芝一作藥。

伴。此夕恨無期。

訓浙東元尚書見寄綾素

越地繒紗紋樣新。遠封來寄學曹人。便令裁制爲時服。頓覺光榮上病身。應念此官同同庫作爲。棄置。

獨能相賀更殷勤。三千里外無由見。海上東風又一春。

贈項斯

唐注作王姓詩。題云贈賈島。

端坐

端坐唐注作盡日。

吟詩安

安唐注作坐。

忍飢。萬人中兌似君稀。門連野水風長到。驢放秋原夜不歸。日煖剩

收桑

桑唐注作新。

落葉。天寒更着舊生衣。曲江庭庭唐注作亭。上頻頻見。爲愛鸕鷀雨裏飛。

題故僧影堂

香消雲鎖舊僧家。僧剝殘形半壁斜。日暮松煙寒漠漠。秋風吹破絳蓮花。

弱柏院僧影堂

弱柏倒垂如綠蔓。簷頭不見有枝柯。影堂香火長相續。應得人來禮拜多。

賦花

升序以下二首據全唐詩補。

白樂天分司東洛。朝賢悉會興化亭送別。酒酣各賦一字至七字詩。以題爲韻。

花。花落。早開睎。對酒客。興詩家。能迴遊騎。每駐行車。宛宛清風起。茸茸肥日斜。且願相留懽

洽。惟愁虛棄光華。明年攀折知不遠。對此誰能更歎嗟。

庫本亦錄此詩。注
明一言至七言。

句

韓公國大賢。道德赫已聞。時出爲陽山。爾區來趨奔。韓官遷掾曹。子隨至荆門。韓入爲博士。崎嶇送歸輪。

送區弘。事
文類聚。

聯句

會合聯句

韓愈
張徹
孟郊

離別言無期。會合意彌重。籍病添兒女戀。老喪丈夫勇。愈劍心知未謝。詩思猶孤聳。郊愁去劇箭

飛。懽來若泉湧。徹析言多新貫。摠抱無昔壅。籍念難須勤追。悔易勿輕踵。愈吟巴山卓犖。說楚

波堆壘。郊馬辭虎豹怒。舟出蛟鼉恐。徹狂禽時孤軒。禽作幽狖雜百種。愈瘴衣常腥膩。蠻器多疎

冗。籍剝苔弔斑林。角飯餌沉塚。愈忽爾銜遠命。歸歟舞新寵。郊鬼窟脫幽妖。天居覲清拱。愈京游

步方振。謫夢意猶恂。籍詩書誇舊知。酒食接新奉。愈嘉言寫清越。瘴病失耽腫。郊夏陰偶高庇。霄

魄接虛擁。愈雪絃寂寂聽。茗碗纖纖捧。郊馳輝燭浮螢。幽響泄潛蛩。愈詩老獨何心。江疾有餘燿。

郊我家本瀝穀。有地界旱輦。徹休迹憶沉冥。峨冠懸闕轡。郊升朝高轡逸。振物羣聽悚。徒言濯幽

泌。誰與雍荒茸。籍

朝紳鬱青綠。馬師

師名家
作師。

曜珪珙。國讐未銷鑠。我志蕩邱隴。郊君才誠倜儻。時

論方洵溶。

一作洵

格言多彪蔚。懸解無桎梏。張生得淵源。寒色拔山冢。堅如撞羣金。眇若抽獨

蝓。

愈

伊余何所擬。跛鼈詎能踰。塊然墜

一作

岳石。飄爾冒巢鼯。郊龍旆垂天衛。雲韶凝禁甬。籍

君胡眠安然。朝鼓聲洵洵。愈

春池汎舟聯句

裴度 賈餗

崔羣

劉禹錫

鳳池新雨後。池上好風光。

禹錫上

取酒愁春盡。留賓喜日長。

度送

柳絲迎畫舸。水鏡寫雕梁。

羣送賈

潭洞迷仙府。煙霞認醉鄉。

餗送張

鸞聲隨笑語。竹色入壺觴。

籍送

晚景含澄澈。時芳得豔陽。

禹錫

鸞拂輕浪。綠柳暗回塘。

度

逸韻追安石。高居勝辟疆。

羣

杯停新令舉。詩動彩箋忙。

餗

顧謂同來客。

歡游不可忘。籍

宴興化池亭送白二十二束歸

裴

白 劉

東洛言歸去。西園告別來。白頭青眼客。池上手中杯。

度

離瑟殷勤奏。仙舟委曲回。征輪今欲動。

賓閣爲誰開。

禹錫

坐弄琉璃水。行登滌

豫名家

綠苔。花低敕焰影。萍散酒吹醅。

居易

岸蔭新抽竹。亭

香欲變梅。隨游多笑傲。遇勝且徘徊。

籍

澄澈連天鏡。潺湲出地雷。林塘難共賞。鞍馬莫相催。

度

信及魚還樂。機忘鳥不猜。晚晴槐起露。

露名家

新署石添苔。

禹錫

擬作雲泥別。猶思頃刻陪。歌停珠貫

斷。飲罷玉峯顚。

居易

雖有消搖志。其如磊落才。會當重入用。此去肯悠哉。

籍

首夏猶清和聯句 裴白劉

記得謝家詩。清和卽此時。居易餘花數種在。密葉幾重垂。度芳謝人人惜。陰成處處宜。禹錫水萍爭

點綴。梁燕共追隨。行式亂蝶憐疎蕊。殘鸞戀好枝。籍草香殘未歇。雲勢漸多奇。居易單服初寧體。

新簞已出籬。度與春爲別近。覺日轉行遲。禹錫遶樹風光少。侵堦苔蘚滋。行式唯思奉歡樂。長得在

西池。籍

薔薇花聯句 裴白劉

似錦如霞色。連春接夏開。禹錫波紅分影入。風好帶香來。度得地依東閣。當堦奉上台。行式淺深皆

有態。次第暗相催。禹錫滿地愁英落。緣隄惜棹回。度芳濃濡雨露。明麗隔塵埃。行式似着胭脂染。

如經巧婦裁。居易奈花無別計。只有酒殘杯。籍

西池落泉聯句 裴白劉

東閣聽泉落。能令夜興多。行式散時猶帶沫。涼處卻跳波。度偏洗磷磷石。還驚泛泛鵝。籍色青塵

不染。光白月相和。居易噴雪繁松竹。攢珠濺芰荷。禹錫對吟時合響。觸樹更搖柯。籍照圃紅分藥。

侵堦綠浸莎。居易日斜車馬散。餘韻逐鳴珂。禹錫

附錄一

上韓昌黎書

古之胥教誨。舉動言語。無非相示以義。非苟相諛悅而已。執事不以籍愚暗。時稱發其善。教所不及。施誠相與。不間塞於他人之說。是近於古人之道也。籍今不復以義。是執竿而拒轍來者。烏所謂承人以古人之道歟。頃承論於執事。當以爲世俗陵靡。不及古者。蓋聖人之道廢弛之所爲也。宣尼沒後。楊朱、墨翟懷詭異說。下惑人聽。孟子作書而正之。聖人之道復存於世。秦氏滅學。漢重以黃老之術教人。使人寢惑。揚雄作法言而辯之。聖人之道猶明。及漢衰末。西域浮屠之法。入於中國。中國之人。世世譯而廣之。黃老之術相沿而熾。天下之言善者。唯二者而已矣。昔者聖人以天下生生之道曠。乃物其金木水火土穀藥之用以厚之。因人資善。乃明乎仁義之德以教之。俾人有常。故治生相存而不殊。今天下資於生者。咸備聖人之器用。至於人情。則溺乎異學。而不山乎聖人之道。使君臣父子夫婦朋友之義沉於世。而邦家繼亂。固仁人之所痛也。自揚子雲作法言今近千載。莫有言聖人之道者。言之者惟執事焉耳。習俗者聞之。多怪而不信。徒相爲訾。終無裨於教也。執事聰明文章。與孟子、揚雄相若。盍爲一書。以興存聖人之道。使時之人。

後之人知其去絕異學之所爲乎。曷可俯仰於俗。囂囂爲多言之徒哉。然欲舉聖人之道者。其身亦宜由之也。比見執事多尙駁雜無實之說。使人陳之於前以爲歡。此有以累於令德。又商論之際。或不容人之短。如任私尙勝者。亦有所累也。先王存六藝。自有常矣。有德者不爲。猶以爲損。況爲博塞之戲與之競財乎。君子固不爲也。今執事爲之。以廢棄時日。竊實不識其然。且執事言論文章。不謬於古人。今所爲或有不出於世之守常者。竊未爲得也。願執事絕博塞之好。棄無實之談。宏廣以接天下士。嗣孟子、揚雄之作。辨楊、墨、老、釋之說。使聖人之道復見於唐。豈不尙哉。籍誠知之。以材識頑鈍。不敢竊居作者之位。所以咨於執事而爲之爾。若執事守章句之學。因循於時。置不朽之盛事。與夫不知言。亦無以異矣。籍再拜。

上韓昌黎第二書

籍不以其愚輒進說於執事。執事以導進之分。復賜還答。曲折教之。使昏塞者不失其明。然猶有所見。願復於執事。以畢其說焉。夫老釋惑乎生人久矣。誠以世相沿化而莫之知。所以久惑乎爾。執事才識明曠。可以任著書之事。故有告焉。今以爲言喻之不入。則觀書亦無所得。爲此而止。未爲至也。夫處一位在一鄉。其不知聖人之道。可以言喻之。諭之不入乃舍之。猶有已化者爲證也。天下至廣。民事至衆。豈可資一人之口而親喻之者。近而不入則舍之。遠而有可諭者。又豈可以

家至而說之乎。故曰莫若爲書。爲書而知者。則可以化乎天下矣。可以傳於後世矣。若以不入者而止爲書。則於聖人之道。奚傳焉。士之壯也。或從事於要劇。或旅遊而不安宅。或偶時之喪亂。皆不皇有所爲。況有疾疢吉凶虞其間哉。是以君子汲汲於所欲爲。恐終無所顯於後。若皆待五六十而後有所爲。則或有遺恨矣。今執事雖參與戎府。當四海弭兵之際。優游無事。不以此時著書。而曰俟後。或有不及。曷可追乎。天之與人性。度已有器也。不必老而後有成立者。昔顏子之庶幾。豈待五六十乎。執事目不覩聖人。而究聖人之道。材不讓於顏子矣。今年已踰之。曷懼於年未至哉。顏子不著書者。以其從聖人之後。聖人已有定制故也。若顏子獨立於世。必有所云著也。古之學君臣父子之道。必資於師。師之賢者。其徒數千人。或數百人。是以沒則紀其師之說以爲書。若孟子者是已。傳者猶以孟子自論集其書。不云沒後其徒爲之也。後孟子之世。發明其學者。揚雄之徒。咸自作書。今師友道喪。浸不及揚雄之世。不自論著以興聖人之道。欲待孟子之門人。必不可冀矣。君子發言舉足。不遠於理。未嘗聞以駁雜無實之說爲戲也。執事每見其說。亦拊抃呼笑。是撓氣害性。不得其正矣。苟正之不得。曷所不至焉。或以爲中不失正。將以苟悅於衆。是戲人也。是玩人也。非示人以義之道也。

附錄 一

張司業集序

翰林學士中書舍人 張洎撰

司業諱籍。字文昌。和州烏江人。

名家本作蘇州吳人。注一作和州烏江人以蘇州吳人爲是。

也。貞元十五年丞相渤海公下及第。歷

官太祝、祕書郎、國子博士、水部員外郎、國子司業。公爲古風最善。自李杜之後風雅道喪。繼其美者唯公一人。故白太傅讀公集曰。張公何爲者。業文三十春。尤工樂府詞。舉代少其倫。又姚祕

監嘗讀公詩云。妙絕江南曲。淒涼怨女詞。

詞名家作詩。

古風無手敵。新語是人知。其爲當時文士推服

也如此。元和中。公及元丞相、白樂天、孟東野歌調。

詞名家作詞。

天下宗匠謂之元和體。又長於今體律

詩。貞元以前。作者間出。大抵互相祖尙。拘於常態。迨公一變。而章句之妙。冠於流品矣。白皇朝多故。荐經離亂。公之遺集。十不存一。予自丙午歲迨至乙丑歲。相次緝綴。僅得四百餘篇。藏諸篋笥。餘則更俟博訪。以廣其遺闕云爾。

唐司業張籍詩集序

唐開元盛時。杜甫、李白、高適、儲光義、王維諸賢。至大曆以後。已兩變矣。當時以文名家者。有韓愈、柳宗元、李翱、張籍之徒。相與奮起。振六朝五季漓澆之習。而自成一家之言。韓昌黎、柳柳州、李協律集俱盛傳。惟張司業。按唐史云。有集七卷。不傳。余登進士。同年沁水常倫明卿。授以錄本。蓋以乃翁侍御所藏者。惜不見其全集。所幸有古體七首。今體三百四首。後余於載籍中。又得樂府、五七言古詩三十首。今體五十二首。而次編之。共得三百九十三首。夫詩文至五季。壞亦極矣。而元和中。昌黎公特振衰頹。以古文自任。其議論正大。氣象雄偉。可以羽翼六經。而柳宗元得敘事之體。變化莫測。起伏層迭。昔人評其文曰。韓愈之文出於經。柳宗元之文出於史。故一時文人響應。而李翱、張籍出入門下。爲昌黎厚友。籍性狷直率。博聞好古。議論勝人。其排佛老。嘗言不能著書。如孟軻揚雄以垂世。觀其昌黎代作李浙東一言。議論風生。期大之意甚深。謂其善爲樂府。使人憑几而聽之。未必不若絲竹管絃敲金擊石也。其送孟東野序曰。孟郊東野。始以其詩鳴。高出魏晉。從吾遊者。李翱、張籍其尤也。三子者之鳴。信善鳴矣。抑不知天將和其聲。而使鳴國家之盛邪。抑將窮餓其身。思愁其心腸。而使自鳴其不幸邪。三子之命則懸於天矣。其在

上也。奚以喜。其在下也。奚以悲。韓愈之哀三子之才。至於如此。余并其詩而觀之。其樂府詩。景真情真。有風人之意。而五言近體。又皆勁健清雅。脫落塵想。俱從胸臆中出。然後知昌黎之詩豐而腴。柳州之詩峭而勁。司業之詩新而奇。李翱之詩悲而壯。卒皆可傳。惟東野之詩。則有窮促寒苦之狀。吾恐溫厚之教。或不若是。觀者自有巨目。不待余贅言也。今昌黎原道。功業爲唐獨出。血食廟庭。而柳州、李翱、張籍之文。爲世所珍。是和其聲而鳴其盛。非窮悲而自鳴矣。而今而後。知人能文章。其命之遇與不遇。蓋不足悲喜也。張籍字文昌。和州烏江人。貞元十五年及第。歷官太祝、祕書郎。昌黎薦之。遷國子博士。轉水部員外郎。歷主客郎中。卒。授國子司業云。

正德乙亥秋七月吉。河中東峯劉成德序。

唐張司業詩集跋

張司業詩集世所傳者。有歷陽盱江二本。咸編次不全。番陽湯侍講司諫中。迺以家藏元豐八年寫本。刻而傳之。其間篇什。頗多於二本。辛酉歲。余移告家居。因合三本校之。得其樂府古風近體詩共七十九首。錄於毘陵蔣氏刊本後。錯字亦稍爲正。惜未能盡去也。余嘗觀唐史。稱司業爲詩。長於樂府。多警句。白太傅讀其集。賦詩曰。張公何爲者。業文三十春。尤工樂府詞。舉代少其倫。而姚祕監又贈詩曰。妙絕江南曲。淒涼怨女詩。古風無敵手。新語是人知。其爲當時所推服者如此。迨後若張文懿公。最重籍作。荆公絕句云。蘇州司業詩名老。樂府皆言妙入神。其爲異代所稱仰也又如此。然則司業之詩。是可遺其一耶。今增定之。則滄海之珠。庶幾無遺。延津之劍。得以復合。非敢附於四公之後也。七月既望識。

張 籍 詩 集

〔唐〕張 籍 著

*

中華書局上海編輯所編輯

（上海紹興路7號）

中 華 書 局 出 版

（北京東總布胡同16號）

北京市書刊出版業營業許可證出字第17號

中華書局上海印刷廠印刷 新華書店總經售

*

787×1092 耗 1/32 · 4 3/8 印張 · 63,000 字

1959年1月第1版

1959年1月上海第1次印刷

印數：1—4,100 定價：(7) 0.42 元

統一書號：10018 · 128 59.1.溫型

一九五九年十月

16

統一書号：10018 · 128

定价：0.42 元